

1 3
A N T O N I I

M V S A E B R A =

S A V O =

L I

Q V O ' D N E M I =

N I M O R S P L A =

C E A T ,

A D I L L V S T R E M A N =

S I A M E S T E N =

S E M ,

Bibl. S. M. A. Viterbo. Coll. Rom. Cat. adscriptus

V I R T V T E D V C E ,



C O M I T E F O R T V N A .

L V G D V N I A P V D S E B .
G R Y P H I V M ,

1543.

FRANCISCVS BOVIVS
FERRARIENSIS AD
LECTOREM,

Nemo licet mortem non horreat, optime Lector,
Hanc superare tamen cum ratione potes.
Quin etiam falsa meliorem hanc aspice uita:
Mors hominem innumeris nam leuat ipsa malis.
Hinc satius solui, patriamq; reuisere tandem,
Degere te externo quàm, peregrine, solo.
Nobilitas animæ, quæ corpore dignior omni,
Hoc monet, in tetro quæ gemit usque loco:
Quæ tibi quàm cunctis pluris facienda sit, alma
Cerne fide. mortis nescia nanq; manet.
Huic quoq; subscribit rationum grandis acervus,
Immortalem animam qui superesse docet.
Corporis hæc medicus tibi Musa Antonius antè,
Nunc animi, merita non sine laude dedit.

AD ILLVSTREM

ANNAM ESTENSEM IL-

lustrissimi Herculis Ducis Ferrariæ IIII.

primogenitam, puellam & mira cor=

poris pulchritudine, & in=

genij, ac morum de=

xteritate præ=

ditam,

Antonius Musa Brasa=

uolus.



N subeunt memoria, illustris Anna, pu= ella supra ætatem Latinis, atq; Græcis literis ornata, an potius abeunt, cum superioribus diebus uariolis affecta esses, quæ tu de Morte, & eius despectu, ac neglectu tua sponte differebas? cupiebasq; mori, & esse cum Christo? Nos è contrario diuina illa uerba deridere fingeamus, & tuum illud pectus, mole paruum, sed uirtutibus amplissimum, exterrere quodammodo tentauimus, anilia illa terricula, & pueriles nugæ recensentes: de foetenti, inquam, tumulto: de terra, quæ os, & oculos ingreditur, & nares obturet: de uermibus, qui carnes uorent, & anguibus, & de multis eiusdem generis alijs. Quæ cum derisisses, Quid ad me (dixisti) si mortui sensu careant, & anima I E S V Christo in angelorum choris fruatur? Tunc admirati sumus, puellam nouem annorum mortem tam constanter despexisse, &

cœlestem patriam optasse potius, quàm in hac lacryma-
 rum ualle diutius immorari: nec uanis illis muliercula-
 rum deliramentis deterreri: quæ etsi non sentiantur,
 solent tamen uulgi mentem perturbare. Cum hæc animo
 uolueremus, menti subiit, Philosophum quendam senio
 confectum, iam diu per omnes hominum conditiones ex-
 ploratum esse, & diligenti indagine perquisiuisse, an ho-
 minem aliquem inuenire posset, qui Mortem Vitæ præ-
 ferret: neminemq; inuenisse, qui tam constanti animo, tam
 uiuida mente, tam aperta fronte mortem despiceret, ut tu
 fecisti. Nos à pueritia ferè disputationem illam collegi-
 mus, in qua probus ille Philosophus expertus est, nemi-
 nem esse, qui mortem uitæ præferre uoluerit. Nunc uerò
 cum libellus ille obiter in manum uenisset, nonnulla emen-
 dauimus, & illum tibi inscribere, atq; dicare statuimus:
 ut quæ sola sapientissimo Philosopho palmam dare po-
 tuisses. Tibi interim suffragabatur Commater illa mea,
 probatissimis moribus ornata, Catherina Logeria, quæ
 & ipsa Philosopho palmam dedisset. Accipe i-
 gitur illustrissima puella munusculū hoc,
 tua fortè præsentia indignum: sed
 quod tua humanitas, tua
 frugalitas, dignū
 faciet, ut
 tuo
 conspectui præsentetur.
 Vale.

MORTEM NE

MINIPLA- CERE,

ANTONIO MVSA BRASA-
VOLO AVTORE.



VIT olim nostra in hac urbe Philosophus, cum æuo, tum omni doctrinarum genere insignis: qui sudoribus in iuuantibus alijs, & aptè componendis iuuenū animis, famam immortalem sibi parauit: & qui Stoicos & Peripateticos non modò disciplinis equauerat, sed in moribus etiam atq; corporeis exercitamentis eorum imagines referebat. nā sub porticū illustrissimū atq; constantiss. in bello & pace ducis nostri Alphonsi in dies magna doctorū atq; scholasticorū frequentia comitante spatia faciebat, qui ab eo tanq; à Delphici Apollinis oraculo disciplinarum fontes hauriebant. Disserebat obābulans, docebatq; in porticu, imò & alijs uacabat nonnullis (tam erat laborum sitiens) ut sese opportunitas, & temporis offerebat occasio. Nonnūquam in Aulicū quendam, à rudibus annis amicum, incidit, uirum & ipsum iam senio confectum, & studioforum amantissimū, alter alterum salutauit, re-

salutauitq; ut singularis exigebat amor. Nescimus
interim cui summā manum imponerēt. Nos illuc
accessimus, cum in mortis sermonem descēderant.
Mortē Philosophus ille omni laudum præconio,
tanq; summū animantis bonum, in rerum apice,
atq; summo fastigio ponebat: quam quisq; (ut eius
uerbis utar) si sapiat, ut citius fieri potest, optare de
bet, & apertis ulnis expectare. Aulicus è contra-
rio, nihil homini deterius, nihil infelicius, nihil de-
niq; miserabilius contingere posse cōtendebat: quā
& insani, & bruta animantia euitare nituntur: pu-
tabatq; Aulicus Philosophū non ex corde, sed ex-
tremis labijs illa effari. Tunc Philosophus: Amici
iocātur, & beneuolos fallunt: ita me deus amet, ut
hoc toto corde, tota mente sentio: Cui & si aliq; uiri
non consentiant, nec recipere uelint aut audire, fu-
cata hac uita, & blando hoc aspectu deluduntur:
quos si quietè alloqui possem, & rationes nostras
audirent, certus sum me eos illuc perducturum, ut
mortem uita præstantiorem esse fateantur. Tunc
Aulicus subridens, inquit: Pulchrum erit, unā &
curiosum ualde, hoc experiri, quod nemini Iro etiā
uel Pausone magis calamitoso suadebis. **P H I =**
L O S O P H V S. Periculum faciamus. Sed quid erit
præmij, si aliquem euidentibus rationibus in no-
stram sententiā descendere cogamus? **A V L I =**
C V S. Quid uice uersa enanciscar ego, si nulli tuā
hanc sententiā suadere poteris? **P H I L.** Illud sit in-
ter nos mutuū, Si nulli, mortem optimam esse, sua-
dere

dere potero: mihi ipsi, tuq; tibi ipsi aliquo assenti-
 ente conditionem pones. A V L. Esto. Rem igitur
 pede dextero exordiamur. P H I L. A te huius rei
 initium facere opportunum uidetur. A V L. Ut lu-
 bet faciamus. P H I L. Putas ne humanā animā im-
 mortalē esse, Deumq; existere, & beatos angelos,
 atq; intelligētiās cōlestes: bonosq; prēmio, & pra-
 uos affici pœna? A V L. Quis adeo impius, & infi-
 delis, hæc non crediderit? P H I L. Putes ne quan-
 doq; te illuc peruenturū? A V L. Puto: diuini tamē
 numinis auxilio fretus. P H I L. Putas ne ibi feli-
 citatem esse incomparabilem, quæ nullo mœrore,
 nullis miserijs, nullo luctu affecta sit? A V L. Equi-
 dē. P H I L. Tu igitur uitam illam felicissimam esse
 putas, qua qui uiuunt, nulla re indigent, nulla egrī-
 tudine corripīūtur, nullo animi affectu uexātur: &
 non nisi per mortem recipi potest: tamen non das
 operam, præsētem uitam, id est, ueram mortem,
 certa illa uita commutare? Aut igitur fides abest,
 neceæ quæ prædiximus, ibi esse credis: aut atra bi-
 le uexaris. A V L. In fide nulla est ambiguitas:
 sed horrenda illa inferni tormenta, ingentia sup-
 plicia, & uarios cruciatus pertimesco. Sum his
 mundi illecebris inextricabili nodo uinctus: non
 possum facilē amicos, parentes, agnatos, filios, aut
 fortunæ bona derelinquere. P H I L. Ergo fuca-
 tis his bonorum simulachris detineris, quæ nihil
 aliud sunt, quàm mellita uenena? O' curas fatuas,
 quæ te uelut ad Sirenios scopulos alligarunt: O so-

licitudines turbulentæ , quæ te miserum deniq; in infelicem exitum deducunt. Dic sodes, si apud extremos Indos beatam uitam esse putares, ubi etiã hanc nostram momentariam uitam centum annorum spatio prorogares, nunquam uerò illuc peruenturus esses, nisi nudatus; num depositis indumentis, ac rebus omnibus amissis illuc protinus gressum flecteres? A V L. Et maiora adhuc subirem, ut breuem hanc uitam integro æuo producerem. P H I L. At quanto leuius, quantoq; dulcius iudicare debes, cœlestem uitam, nunquam desituram, una breui, atq; facili morte tibi parare: imò & si sexcentas mortes subire opus esset, hanc æternam uitam deferere non deberes, qua summum intueberis bonum, in angelorum choris uersaberis, in sanctorum contubernio collocaberis. Si igitur ut centum annis hanc uitam prorogares, ad extremas orbis partes, nudatus amicis, derelictis & fortunæ bonis, & maximo tuo incommodo proficiscereris: cur carcerem hunc corporeum uehementer deponere non exoptas, ut pro hac uita, quæ nihil aliud est, quàm uapor ad exiguum tempus apparens, aut unius horæ somnium, æternitatem assequaris? A V L. Vera sunt quæ dicis: tamen si ad extrema mundi limina peragrarem, amicos reuiscere possem, neq; corpus hoc, quod amo, deponerem. P H I L. Ignoras igitur, apud superos & in sanctorum consortio amicos etiã uideri posse? A V L. Ignoro. P H I L. Vir es, qui aliena

aliena curas, & posthabes propria. imò cœli cultoribus nihil deest, quod optent. A V L. Quid si filios optarent, si uxores, aut diuitias? P H I L. Hęc omnia haberēt, & his omnibus saturi fierēt. A V L. At si filij & uxor in exteriores tenebras, & in tartareas pœnas deiectioni essent? P H I L. Eos in cœlum (si lubeat) reuocare poteris: sed hanc diram cupiditatem non habebis: nam eris diuinæ menti conformis: cui placet ut ob eorum flagitia plectantur: Non deerunt in cœlis cupedię, non dapes diuersę, non pepones, non phasianī, nō Cretica uīna, si aliis cui uel immoderato placerent: sed qui in illis cœlestibus delicijs uersantur, hęc omnia spernunt, tanquam terræ, & elementorum omnium excrementa, quibus non indigent: his solum cibis depascuntur, qui mentem oblectant, solo ueri Dei atq̃ I E S V C H R I S T I intuitu gaudent: in quo, ueluti in fulgentissimo speculo, omnia intuentur, quę sint, quę fuerint, quę mox uentura trahantur: hoc solo oblectantur, hęc est æterna gloria, hęc est uita illa, quam is ingredi debet, qui mandata seruat. A V L. Nos hęc aliàs audiuiamus: nā publicis concionibus oblectamur, & nihil aliud audimus, quàm de hac æterna gloria: tamen nunquàm illuc progressus sum, ut hoc corpore spoliari cuperem: putoq̃ patres istos, qui tantopere æternam illam uitam extollunt, hanc temporariam & momentaneam magis amare: illisq̃ durum uideretur, si corpus deponere oporteret. P H I L.

Putas ergo durum esse, atq; asperum, corpoream hanc molem exuere? **A V L.** Puto. **P H I L.** O' quàm tua hæc excogitatio uana est: nisi forte non uerum dixit Plato, qui Animam, hominem esse iudicauit: Corpus, tanquam uestem, & carcerem, quæ illam à suo munere impediat. Dic igitur: si ueste nimis graui premereris, quæ tibi impedimento esset, ne urbem illam felicissimam, in extrema mūdi ora positam, adire posses, num uestem istam, et si auro contextam, arte laboratam, ostroq; superbo, deponeres, etiam si tibi gratissima esset? **A V L.** Deponerẽ, etsi tota esset orientalibus gemmis contexta. **P H I L.** Hæc uestis Corpus caducum & fragile est, quod hominem, id est, Animam, prohibet ne illuc ascendat, unde discessit, nunquam uero nisi morte deponi potest hæc uestis: hoc est, carneum & corruptibile corpus: quippe Mors (ut Phædon ait) est animæ à corpore dissolutio, & quā solidi uinculi exitus. **A V L.** Tamen nostri sensus non parum luctantur, & quanto fieri potest, hanc dissolutionem effugiunt, ut ferè in pugnam cum morte descendere uideantur, dolentq; de morte. **P H I L.** Dic igitur, quando in hanc pugnam descendunt, ante mortem, uel in ipsa morte, uel post mortem? **A V L.** Semper dissolutionem istam, id est mortem, ægrè ferunt & dolent. **P H I L.** Si ante mortem doluerint, uani sunt & cassi sensu sensus, qui dolore eos nondum infestante ægrè ferant. In ipsa morte dolere non possunt, quoniam animæ à corpore

corpore recessus momento expeditur: quò fit, ut nullo uel exiguo tempore infestari possint. Nec post mortem dolere possunt, quoniam absunt: nā mors est sensuum priuatio; & non destructio corporum, ut Trismegistus in Pymandro testatur.

A V L. Id est, id inquam est, quo deterrentur, scilicet, priuari: putantq; in hoc actu se plura passuros.

P H I L. Mortem igitur non timent, sed præuios mortis labores, qui ob egritudines, ob dolores, ob corporis et animæ inquietationes recipiuntur, et qui mortis opinionē terribilem faciunt. Vnde ab Epicteto in Enchiridio scriptū est, Mortē non esse terribilem, sed mortis opinionē. Tu ipse es, qui Mortem inquietissimā putas, atq; iniquam: cum sit planè tranquilla, & amœna noscentibus, ignaris aspera. Sed iam caput aliud adeamus: Num felicissimū est, Deo assimilari?

A V L. Maximè. P H I L. Is nū Deo satis proximus, similisq;, qui futura uaticinatur?

A V L. Omnino. P H I L. Plato in Epinomide, & in Phædone, scriptum reliquit, Quo homines mortī propius accedunt, eo maxime uaticinari: sæpiusq; horam recessus animæ à corpore prædicere. Quippe anima est ab hoc corporis ergastulo ferè soluta, & in suam ac propriam naturam redacta. Cum igitur mors nos Deo similes reddat, eam fugere absurdum uidetur.

A V L. Hęc argumenta nobis puerilia uidentur, & nihil quod dignum sit, suadere. P H I L. En igitur, num quisq;

qui hac uita fungitur, seruit? A V L. Quid in-

quis?

quis? Reges atq; principes imperant, non seruiunt.
 PHIL. Imò nullum est magis onerosum seruitium eo, quo Reges & Principes seruiūt: modò illos seruire putes, qui illa ferè coacti agunt, quæ alioqui omisissent, nisi fato, aut alia maiori potentia traherentur. AVL. Ita est. PHIL. At Reges quot agunt, à quibus abstinerent, si aliter agere commodum esset? Hic Rex, qui nunc totam Italiam perturbat, si iamdudum hostem suum profligasset, tot labores die noctuq; non pateretur, ab infinitis propemodum curis, animiq; anxietatibus solutus esset, quæ in dies illum perturbant, & ferè mente alienari faciunt, cùm uidet milites regredi, aufugere, trucidari. His eorum animi, uelut incudes, continuis malleis obtunduntur: his seruiunt, & maxime seruiunt: hoc seruitij genere ciues carent. At si Rex uitij & sceleribus scateat (ut maior Regum pars consuevit) sibi ipsi seruit: imò non sibi, sed imperiosis dominis, qui suis cupiditatibus imperare nescit. Propterea historici Alexandrum Magnum suo cognomine indignum putarunt; qui cùm de tot urbibus, de tot prouincijs, de tot gentibus mari terraq; triumphasset, sibipsi imperare nesciuit: cùm nulla sit pulchrior aut magis honesta uictoria, quàm se ipsum cohibere, ut inquit Solomō, & se sibi dare, ac herbam mordicus accipere. AVL. In hoc sensu reges seruitio exire, non contendam. PHIL. Hæc est apud Platonem in Phædone sententia: Mortale est, ut subiiciatur ac seruiat:

seruiat: diuinum, ut præsit, ac ducat. Cum anima à corpore soluitur, diuina & immortalis efficitur, Domina, Præses, Imperatrix: nunc in re mortali uersans in curarum inuolucro, in stercoreis uoluta-
bro, illegitime seruit: cumq; excellentius sit præ-
esse, quàm seruire: melius igitur erit atq; optabi-
lius, ab hoc caduco corpore puram animam solui,
atq; liberari, q̃ in eo diutius consenescere. A V L.
Tu teipsum habes in consilio: nondum illuc acces-
si, ut mortem uita præstantiorem arbitrari pos-
sim, atq; uoluerim. P H I L. Dic igitur, si id ra-
tionibus efficiam, ut tu ipse fatearis, mortem non
esse uita peiorem, num mihi assenties? A V L. Ne-
scio an id unquam efficere poteris. P H I L. Nobis
causa nota est, cur mortem adeo uehementer hor-
rescis. A V L. Quænam est hæc causa? P H I L.
Si tibi illam aperire uoluerim, tu ibis inficias.
A V L. Non ibo, per Herculem, P H I L. Fide ca-
res, & in animi immortalitate non parum ambi-
gis: quibusdam similis es, quos per urbem obam-
bulans quandoq; audiui ita dicentes, Noui huius
mundi delicias, nescio quas sim in alia uita receptu-
rus: neminem adhuc regredi uidi: aut aliquem, qui
uiderit, audiui. A V L. Et ego frequenter eadem
sententia usus sum, addoq; uel mortuos optime se
habere, ut amplius regredi non curent: uel impedi-
tos, non posse. P H I L. Tamen non ne putas animã
immortalem esse? A V L. Non dubito. P H I L.
Et ad beatas illas animas, quæ in cœlis sunt, euola-
turam?

turam? ubi summi numinis intuitu delectaberis?
 A V L. Quid opus est uerbis? hæc omnia mihi cer-
 tissimè constant. P H I L. Num igitur, quàm citi-
 us fieri potest, illuc eundum est? Quis enim ita fa-
 tuus in sodalitiū maximi Regis, uel Principis re-
 cipiendus, aufugiet? A V L. Nullus: sed ob istud
 uitam cum morte non commutat. P H I L. Tamen
 mors nihil habet incōmodi, nihil quod ægrè ferre
 debeamus, aut dolere. A V L. Imò è contrario
 quàm multa habet maximè incommoda, & pra-
 ua. P H I L. Id est ne prauum, aut incommodū,
 quod sensu nunquam percipitur? A V L. Non est,
 P H I L. Sed mors ipsa nunquam sentitur: quam
 qui habet, non modo illam, sed nihil sensu recipit:
 ut Diogenes ille Cynicus quandoq; interrogatus,
 An mors praua esset? respondere non ueretur,
 Quomodo praua, si non sentitur? Et Thales Mile-
 sius, eandem esse cum uita censuit, unde à quibus-
 dam interrogatus, Si à uita nihil differt, cur non
 moreris? ait ille, Quia nihil differt. Et Plato nono
 de Legibus libro, Mortem non esse uita peiorem
 testatus est. Cur igitur tanquam malum quod-
 dam, & ueluti monstrum horrendum extrimescen-
 da? imò cum anima in sanctorum consortio re-
 cipiatur, nemo illam optare non deberet. A V L. In
 his rebus anceps sum. P H I L. Cur es anceps? imò
 ex opposito addam, etiam si mortalem animam
 putaremus, præstabilius esset, atq; illustrius, à se-
 dulis & inextricabilibus huius mundi curis radi-
 citus

citus euelli, quæ in continuis corporis angoribus, animi perturbationibus agitari. Dic, quid aliud est mors, quàm somnus? A V L. Nihil aliud: imò & ipsa quies est simillima mortis imago. P H I L. At quid potest in hac lacrymarum ualle dulcius contingere, quàm somnus quietissimus, quo nox nulla insomniâ noscat? A V L. Nihil omnino. P H I L. Si anima & corpus unâ perirent (quod à Christiana mente absit) mors esset hic quietissimus somnus insomniâs carens, quem raro in hac uita miseris plena assequimur: nam sensim sine sensu tempus elabitur. Quisquæ igitur sapiens sibi ipsi inquiet, iam quiescendum est, & hæc laborum sarcina deponenda: iam dormire liceat somno sine insomniâs quietissimo. A V L. Hæc mihi uidentur fabulæ, quas refert, indignæ etiam ut surdis cantentur. P H I L. Putasne mortem expauescendam, si nihil sit? A V L. Minimè. P H I L. At homine uita functo, superest anima, nequæ corpus dissoluitur: nam solum ab inuicem segregantur: quæ segregatio respectus quidam est & accidens, quod in re ipsa nihil addit. Mors igitur nihil est. A V L. Nos uerò hoc maximum esse existimamus, Animam prohiberi, ne priori uinculo suo corpori copuletur. P H I L. Vir es Mineræ pinguis. Anima est, quæ refugit, & corpus ingredi reuinit, ne foetido illo carcere, id est corpore obstricta, & ueluti serua teneatur. Nam si corpus suum ingredi uellet, nihil est, quod eam impedire posset.

Aul.

AVL. Posset igitur corpus accipere, quando lu-
 beret? PHIL. Posset; nam beatæ illæ animæ, quæ
 in cœlis sunt, si ante terribilem Iudicii tubam sua
 corpora assumere uellent, nihil eas impediret, quin
 illud assumerent. Sed nulla est anima quæ hoc cu-
 piat: omnes enim nihil aliud uolunt, nihil aliud cu-
 piunt, quàm ut à Deo optimo maximo statutum
 sit. Is uerò omnipotens tunc recipienda corpora
 statuit, atq; assumenda, cum uiuos & mortuos in
 die illa tremenda iudicabit. AVL. Mirum est,
 quod audiui. PHIL. Sed uerum. Audias præte-
 rea in Pymædro Trismegistum, qui mortem nihil
 esse censet, & nihil in mundo mori: & Epicurei
 mortem nihil ad nos spectare uoluerunt: quippe
 cum sumus, non est ipsa: nosq; dum est, non su-
 mus. AVL. Quomodo inquit Epicurei, non
 accipio. PHIL. En, quid ea curas, quæ non ha-
 bes? nunc febre cares, quid febrem curas? AVL.
 Nihil curo, sed uereor, ne in illā incidam. PHIL.
 Tamen cum ea cares, illam non curas. AVL. Non
 curo. PHIL. In morte idem contingere debet:
 cum uiuis, ipsa nihil ad te: nam & uiuis, & sensu-
 um adminiculo fungeris: illa uerò est sensuum pri-
 uatio. Cum mortuus eris, quid ad te, cum nihil sen-
 ties? quamuis Lactantius decimosextimo capite
 tertij libri, eos qui ita dicunt, reprehendat. AVL.
 Nunc Epicureorum sententiam accepi. PHIL.
 In hac parte infinitas philosophorum atq; poëta-
 rum sententias posthaberi decreuimus, quibus mor-

tem

tem ipsam optimam esse, & ipsi suadent, & nos suadere possemus. Hanc Epictetus ueluti summum bonorum meditandam esse iubet, ut Plato Philosophiam per mortis meditationem definiuerit. Lege uetus Instrumentum, & relege: nunquam, uel raro inuenies, cum qui naturali morte à uita decesserit, mortuum dictum esse: sed omnes cum patribus suis quiescere dicuntur. Illi soli, qui uolenter interiere, mortui à sacris literis in Pentateucho uocantur: & in tertio Regum libro, capite secundo, mors uniuersę terrę uia nuncupatur, ad quam omnes ueluti peregrini accedimus: Inestq; nobis (ut philosophi inquirunt) ex materiæ primę appetitu, quæ nouas formas semper desiderat & appetit. Hic uero appetitus ex primæ parentis Adę inobedientia ortum habuit. imò & elementorum contrarietas, ex quibus constamus, ad corruptionem plurimum facit. Sed de his hæcenus: nunc ad id, quod est huius rei caput, redeamus. Num pulchrius est, illustriusq; è summis miserijs, è summis anxietatibus, è summis curis atq; laboribus quanto citius fieri possit, liberari? A V L. Equidẽ, P H I L. Sed quæ uitæ pars ab his incommodis soluta est? qui uel homines, qui hæc non patiantur, inueniri poterunt? A V L. Nonnulli certè inueniuntur, licet rari, qui diuites sunt, corpore ualidi, pulchri, quos sua sors contentos effecit. P H I L. Et qui sunt hi? quoq; tempore, & quam diu in hac felicitate commorantur? Legi Diuum Ambrosium

hoc ferè modo scribentem: Etià si quis in hoc mundo curis omnibus, & sollicitudinibus careat, mortem exoptare debet, ut summam felicitatem amplectatur: quanto magis eligenda erit, expetenda, atq; inuocanda, si tota sit discriminibus plena uita? Hanc à principio, & ferè à cunis examinare pergamus. Cum primum è matris aluo in lucem emergit infans, nudus, & in nuda humo (ut Plinius inquit) natali die abijcitur (quum cæteris animalibus Natura uaria tegumenta concesserit, testas, corrices, coria, spinas, uillos, setas, pilos, plumam, pennas, squamas, uellera) uagitus statim & ploratum auspicatur, uitam incipiens à mœrore, uel quia dolore uexatur, calore ue, aut frigore. Nihil nos scimus, uocem solum audimus, quæ est molestiæ signum, quam nescit uerbis explicare quod patitur. Infelicitèr iacet manibus pedibusq; deuinctis. Cætera autem animalia quum primum orta sunt, roboris spem habent & munus. quando homini incessus: quando uox: quando firmum cibus os: quamdiu palpitans uertex: Interim ad septimum ferè annum ineptus & tanquam mortuus ætatem transigit: tunc pædagogis datur, qui illum diuersis laboribus affligunt, & tanquam tyranni imperant: subsequente ætate pædotribas despicit, & ea tunc puerilia esse censet, quæ prius expauescebat, sed uitam laboriosiore ingreditur: nempe artem quandam sectari incipit, & illi, si ingenuus uir sit, totis uiribus incumbit. Si hæc sit armorum

rum pericia, qua delectetur, hinc iurgia surgunt, hinc certamina, hinc uulnera patitur, hinc percussiones, in nuda terra iacet, crebro noctes insomnes ducit, uictus deest, & denique ictu paruo perimitur. Si uero præceps mercandi cupiditas illum teneat, terras omnes, omnia maria infinitis discrimibus peragrat, & nauigat, quodque per uniuersam ætatem arte & labore acquisiuit, breui momento, fortunæ impetu dissipatur. Sunt nonnulli mechanici, alij mercenarij, qui laboribus non dies modo, sed noctes etiam insomnes ducunt, uixque panem & uinum aqua dilutum pro uictu sibi parare possunt. Aliqui scientijs incumbunt, qui solitarij in silentem locum secedentes marcescunt, deridentur à uulgo, exhibanturque. Qui magistratus gerunt, quot curis uexantur? in continuo sunt mortis periculo, ne ab illis interficiantur (quod crebro contigisse certum est) quos iuste, uel iniuste iudicant. Nautæ quot pericula subeunt? Bias ille inter philosophos sapientissimus non parum dubitauit, an nautas inter uiuos, an inter mortuos enumerare oporteret. O si in altissimam (ut Lucianus inquit) speculam ascendere liceret, è qua uniuersus orbis circumspecti posset, quot uaria hominum discrimina, quot misérias, quot ploratus intueremur? Hic Dominus est, quem multi sequuntur: Seruus ille, qui sequitur. Quot inde sunt animorum passionibus? hunc insatiabilis tenet auaritia, alius uino madet, alter torpet inertia, alius ambitus

one fatigatur, plures inconstantes, quid sequantur ignorant: alij uitijs diuersis affecti consumuntur: quos in libello de Humana miseria, à nobis edito, ad unguem usq; retulimus. Et quis caret pro sua sorte uitijs? Deniq; paucissimi senio conficiuntur, nedum attingunt: & qui senectutem assequuntur, quid lucrantur? Bis pueri fiunt: sensus labescunt, tremunt artus, hebescit uisus, deperditur gustus, auditus eripitur, odorant nihil: ut Xenocrates Platonicus optimè monuerit, Quos deus amat, breui ex hac uita reuocat. & à Plinio capite primo uigesimi octauo libri historię mūdi scriptum est, Quapropter hoc primum quisq; in remedijs animi sui habeat, ex omnibus bonis, quę homini tribuit Natura, nullum melius esse tempestiua morte: in eaq; id optimum, quod illam sibi quisq; præstare potest. At hoc à religione Christiana longe dissentit. Si omnia uitę incōmoda referare uoluerim, Ante diem clauso componet uesper olimpo. Ex his uero paucissimis non ne uides hominis uitam miseram esse: & mortem, quę ab his breui momento liberat, esse optandam? A V L. Multa ex his quę dixisti, uera esse constat: tamen quicquid facis, quicquid conaris, irritum & incassum est: nam uita hæc mihi placet, & mortem abhorreo: nec tuis his argumentis uel pusillum ab hac sententiā dimoueri possum. Tamen in hac uita illud optarem, quod nonnullis in hac urbe contigit, quos absq; labore diuitias habentes (nam diuitum patrum hæredes

hæredes fuere) hilares, quotidie conuiuantes, sibi uiuentes, & de alienis parum curantes uidemus.

PHIL. O uir, qui à pueritia in curialibus tripudijs uersatus es. Ignoras igitur eos, qui tali uictus genere utuntur, & qui talem uitam agunt, omnibus hominibus calamitosiores esse: qui numerum faciunt, & nati sunt (ut inquit Flaccus) consumere fruges, solos cibos, solas cupedias, solas porciones colunt, ut corpus fluidum atq; perituum impleant, farciantq; casurum citius. Molestiorem carcerem sibi ædificant: quos non erat operæpretium nasci, alijs & sibi ipsis inutiles: qui tanquam rapidi canes, nil aliud cogitant, quam siquid sit cœnandum delectabile, si dulce uinum, Ponticumq;. Ea curant, quæ popinarium, & dissolutissimum hominem decent: nec edunt, bibunt uē, ut uiuant: sed potius uiuunt, ut edant, ac bibant: imò ut uorent, atq; ingurgitent. Tu huius generis homines in hac uita felices esse putas? AVL. Hactenus certe putabam: sed deinceps nunquam. PHIL. Cede igitur, & una uoce mecum fatearis, Prudentis hominis officium esse, mortem apertis ulnis expectare: cum nihil sit in terra miserabilius homine, summæ inter cuncta animalia imbecillitatis fonte, iugi mœrore torquetur, & si quid habeat, uanum omne est, & uanitas uniuersum, inquit Solomon. AVL. Vis ut uno atq; simplici uerbo te expediam? PHIL. Id facias, & bene. AVL. Mihi uideris gerras nugas effundere, & surdis fabulam

cantare; nam cum plura dicis, in uitę amorem, atq;
 desiderium magis ducor, & inflammor. Hęc nu-
 gę sunt adulescentibus referendę: & non ei, qui
 psittaci rostrum nactus sit. Nam & si exquisitiori-
 bus argumentis usus esses, tibi quoq; non obtem-
 perassem: quanto minus his tuis fucatis ratiuncu-
 lis, ac sophisticis obtemperandum? P H I L. Ta-
 men ab eorum laqueo fugere nescis, neq; scis eo-
 rum ueritatem euitare. A V L. Dialecticę arti,
 aut sophisticę palęstrię nunquam operam dedi, ut
 sciam ego, quę neganda sunt, negare: & quę affir-
 mada, affirmare: quę ue distinguenda, distinguere
 Quicquid sit, persentio animum meum, atq; inti-
 ma pręcordia mortı repugnare: imò cum id so-
 lum uerbum audio, M O R S, horresco, & frigidus
 it per ossa tremor. Tibi ergo tua argumenta serua-
 to, & mihi meis sensibus, & meę menti assentire
 permittito. P H I L. Ex his tuis uerbis aliud con-
 iectare non possum, quàm te delicias illas alterius
 uitę & Paradisi felicitates non credere: imò pu-
 tas, Animam unà cum corpore mori: & (ut ille di-
 xit) cum sanguine fundi. A V L. Nodum rei ac-
 cepisti: nam in animę immortalitate subdubito:
 neminem ad hanc usq; ætatem regressum uidere
 potui. P H I L. Rem arduam commouisti, de qua
 nec tempus, nec occasio differendi datur: tamen ne
 te in hac tam praua sententia sinamus, nonnihil de
 hac re præfari, ab re non erit: aliàs diffusius, com-
 modiusq; hanc disputationem tractaturi. Dicigi-
 tur,

tur, putas ne homines in tantam excellentiam de-
 uenisse, in tantam rerum omnium maiestatem, nisi
 diuinum quendam spiritum haberent, quo intelli-
 gant, quo naturæ secreta scrutentur, & rerum cau-
 sas pendant: quo cœlum ordine metiantur, stellas
 dinumerent, astrorum motus diuidant, noscantq̃,
 & nomina imponant: quo syderum defectus, or-
 tus, & occasus ostendant: quo in aëre cometas, ful-
 gura, grandines, fulmina, cadentes stellas pene-
 trent: quo abdita sub terra, serpentes, mineralia,
 croceum aurum, & pallidum argentum peruesti-
 gent: quo supra terram herbas, arbores, & plantas
 omnes, atq̃ animalia calleant, terrarum dimensio-
 nes, urbium nomina (quas & condunt) montium
 situs, fluminum & fontium interualla teneant, Res
 publicas moderentur: quo in aquis piscium gene-
 ra laboriosè superent: quo tandem in ardua diui-
 næ sapientiæ in Deum, & intelligentias eleuen-
 tur: Quid cunctaris: ad hæc responde. A V L. Ex
 his, & multis alijs animam diuinum aliquid esse,
 & immortale nō possum non credere: tamen neq̃
 ex hoc illuc duci possum, ut mortem optare uelim
 aut possim. P H I L. Nondum perfectè credis ibi
 esse bonorum omnium possessionem, ibi esse uo-
 luptates omni miseria uacuas, ibi omnia esse quie-
 ta & à senectute remota, ibi esse sanctam exultatio-
 nem, ibi uitam malorum nesciam, & tranquilla pa-
 ce nutritam, rerum naturam contemplantem, &
 philosophiæ secreta, ibi pro fucatis bonis uera ac-

cipi, pro incertis & fluxis, certâ & æterna, pro tin-
ctis & ueneno asperfis, sincera & pura, pro solici-
tudine & curis, fiduciam & honestum odium, pro
turbulentia tranquillitatem, pro flagitijs integrita-
tem. A V L. Si illuc corpore accedere possem,
omnino tot bonis irretirer. P H I L. O' rem ar-
duam dixisti, quam puerum dixisse pudere debe-
ret. Sed cur debes fragili, caduco, & foetenti cor-
pore remorari? quod nunquam uoluptates capit
(si uoluptates illæ sint) quin illas summi dolores
concomitentur. Hæc eleganter in sitiente Plato o-
stendit. Nū qui sitit dolet: id est, passione quadam
uexatur? A V L. Maxime. P H I L. At qui bi-
bit, num gaudet? A V L. Omnino. P H I L. Qui
sitit, num bibit? (nisi pocula desint). A V L. Certè.
P H I L. Igitur qui dolet, gaudet: nam qui sitit,
dolet: qui bibit, gaudet: & qui sitit, bibit: suntq; in
uno apice innexa huius mūdi dolor, & gaudium,
& ab inuicem nunquam dissoluentur. A V L. Tu
poteris totam hanc diem orando consumere, ta-
men mori percipere non possū. P H I L. Putas ne
quandoq; utile esse mori? A V L. Nunq̃. P H I L.
Ergo ut aliquis immortale nomen sibi paret, ut
proprium honorem tueatur, non debet potius se
ipsum neci exponere, q̃ in summo dedecore ui-
tam ducere? A V L. Quid est hoc dedecus? satius
est meretricia frōte & perfrieta superuiuere, quàm
breuī cum honore mori. Damnaui semper Achil-
lis fatuitatem, qui apud Homerum breuem ui-
tam

tam cum parua illa gloriola elegerit:quàm longiorem,sine honore. PHIL. Nescio an ex propria sententia loquaris, imò non solum Christi populus pro fide, atq; honore seruando mortem subire debet:sed antiquiores etiam Gentiles, quibus nulum nisi temporarium præmium promittebatur, pro seruando decore mortem subire non uerebantur. Quot sunt apud autores huius rei exempla? Quin & ipsæ apes, quibus ratio deest, ut suum Regem tueantur, propriam uitam exponunt. De quibus Poëta quarto Georgicorum libro id canit,

—Pulchramq; petunt per funera mortem.

Auerrois præterea in omni fide infidelis, in præfatione primi de physico auditu libri inquit, Quæ uita nostra punctum sit respectu uniuersi temporis, nullus sit adeo delirus, qui scelestissimum scelus perpetrare eligat magis, quàm mori. Plato in secundo de Legibus, in bellis iubet moriendū potius, quàm fugiendum. Et Aristoteles tertio Ethicorum, capite primo secundi tractatus, Mortem in bello pulcherrimam asserit. Quod à Vergilio secundo Aeneidos hoc modo exprimitur,

—Pulchrumq; mori succurrit in armis.

præsertim si pro patria, aut fide pugnatur. Et Sallustius in Catilinario, quando sit pro uirtute moriendum, edocuit. Pliniusq; uigesimo quinto hystoriæ mundi libro, capite tertio inquit, Ea conditio uitæ est, ut mori plerumq; etiam optimi portus sit. Nunc sexcentos autores referre omitto, qui mor-

tis encomium ob uirtutem scriptis dedere. Dic uerò,
 Non ne quandoq; pro uirtute mori conuenit?
 A V L. Conuenit quidem, sed optandum non est.
 P H I L. Imò nulla esse debet maior uoluptas, q̃
 commodam moriendi occasionem, & dignam
 præstari. Putas ne mortem illam bonam esse, quæ
 ex uirtute paratur? A V L. Certe. P H I L. Bona
 non ne expetenda? A V L. Omnino. Igitur & hæc
 mors expetenda, hæc quærenda, illuc proficiscen-
 dum, quò illā inueniamus: nec perquirentes quic-
 quam omittere debemus intactum, ut hanc ipsam
 inueniamus, atq; subeamus. A V L. Non est opus
 tot dona polliceri: etenim nuncq; mortem desidera-
 re potero: imò (ut Aristophanes inquit in Pluto) οὐ
 γὰρ πείσῃς, οὐδ' ἤν πείσῃς: id est, Nec mihi persuadebis,
 etiam si persuaseris. P H I L. Oleum igitur & im-
 pensam perdo. A V L. Quis dubitat? P H I L. Pu-
 to te nunquam mihi assensurum, ut præmium con-
 sequaris: tamen spero me breui reportaturū, quo-
 niam alijs hominibus id suadere confido, cui tu ta-
 men obstinate obstitisti. A V L. Certus sum tuæ
 sententiæ neminem accessurum: Sed en hic baiu-
 lus, qui labore atq; sudore quotidianum panem
 sibi parat, à uino abstinens, non uti Socraticus, sed
 quoniam illo caret: placet ne, ut illum uocē, in quo
 experiaris, an tuam sententiam sequi uelit? P H I L.
 Placet: sed interim dum illum alloquar, digito cō-
 pesce labellum. A V L. Cum inter uos dissertatio
 agetur, & de Morte contentio, solas aures præsta-
 bo: os

bo: os uerò clausum erit, nisi sputa referare cogant: nunc ipsum uoco: Baiule. **B A I U L V S**. Adsum: quid agendum imperas? **A V L**. Cognoscis'ne hunc uirum? **B A**. Cognosco. **A V L**. Illum alloqui ne refugias, nã tempus non frustraberis: quoniam hic numus tuus est, ut doctum hunc uirum alloquaris, quoad illi placuerit: ego interim aures solas accommodabo. **B A**. Quicquid uelit iam percunctetur. **P H I L**. Dic, mi Baiule, quid tibi melius uidetur, quid'ue pulchrius, Cito mori, & ab hac misera uita liberari: an continuis laboribus insudare, & immensis curis connecti? **B A**: Insudare melius est, q̃ mori. **P H I L**. Rides Aulice: sed parum expectato: nam hunc rationibus cogã, ut nostræ sententiæ inhæreat. Dic mi Baiule, num tua uita calamitatibus referta est, & iugi labore: uixq̃ secundarium panem emere potes, quo uescaris? **B A**. Certe. **P H I L**. Quid tibi melius uidetur, quiescere, & nullo incommodo affici, an defatigari? **B A**. Quiescere. **P H I L**. Quando liberius atq̃ diutius quietem enancisceris, quàm moriens? **B A**. Nunquam. **P H I L**. Viuens autem num continuo insudabis, & nullus erit laborum modus? **B A**. Nullus. **P H I L**. Præclarius igitur est, & magis commodum mori, quàm diutius uiuentem, tot intemperatis molestijs, tot immensis curis affici? **B A**. Si rem optimè considero, ego uitam potius, & miseram, & calamitosam uiuere statui, quàm mori. **P H I L**. Non'ne argumen-

Q V O D N E M I N I

tum hoc fateri te cogit? B A. Quid sit argumentum ignoro: logicam nunquam didici, sed uiuere didici, nondum mori. P H I L. Et hoc est quod quisq; discere deberet, Bene mori. Hic baiulus uir indocilis, qui cum ipso nutricis lacte errorem bibit: nam præmissis consentit, postea ultimo in limine fugit. Hinc abeamus Aulice, ut alterum ad subeundas rationes non ita ineptum reperiamus. A V L. Vocabo ne illum œnophorum, uini portitorem? En quàm facies rubore enitescit, & uino succinit color. P H I L. Voca: quid mali est & in hoc experiri? A V L. Vini portitor. P O R T I T O R. Quid inquis? Adsum. A V L. Ni te pigeat, hunc probum uirum audias, & illi ad interrogata respondeas, aliàs debitum persoluam. P O R. Illi ne uinum sapit? A V L. Sapit. P O R. Est ergo uir probus: expecto quid uelit, quidq; petat. P H I L. Quos putas magis felices, uiuos, an mortuos? P O R. Stupeo, stantq; comæ: quæ obscura, & fatua percunctatio: absint defuncti, qui nihil generosi uini gustare possunt. P H I L. Tu ergo summum bonum in uino posuisti, & nihil putas excellentius esse, quàm potum? P O R. Nihil iucundius, nihilq; suauius. Ante Noë tempora insensati erant uiri illi, qui nondum hæc tam bona naturæ dona gustarant. P H I L. Hæc missa faciamus, & ex animo respondeas. Quenam maior uitæ pars est, illa qua curis, anxietatibus, & laboribus uexaris: an illa qua gaudes? P O R. Quas cu-

ras refers? aut quas anxietates? absunt hæc à uiro probo: nam & si quando contingant, ocyus aueruntur, quàm impetrent in animo locum: hæc est mihi pestis, hæc est mihi calamitas, hæc summa cura, cum uina optima & generosa reconduntur, & nullibi publicè uenalia sunt; nam his ueram uitam & integram duco, curis liberam, liberam omni dolore, quæ animum paratissimum aduersus res tristes, aduersus res trepidas præstant. An nescis tu, qui tot autores euoluisti, id quod à puerulo uicini mei cantari audiui?

Vina parant animos, faciuntq; caloribus aptos.
 PHIL. Vir es profecto magni consilij, mihi iam ex tua ingenita humanitate satisfecisti: abeas igitur, ut negotia tua expedire possis. POR. A beo: saluere. PHIL. Homo est hic intemperatus, ebrietate perditus: malas ne uidisti? frontem, oculos, & nares uino madere, & guttatim ferè ex ebrío, impuro que stillare? nunquam fui grauiori incommodo circumseptus, quàm cum suffitus illos ex eius ore, tanquam camino effumantes, naribus reciperem: nec uestibus pocula defunt, totus profluit, totus latice madet. AVL. En quomodo fortuna splendidam occasionem nobis parat. Vide hunc Mendicum ad nos proficiscentem, qui os adeo pallidum habet, ut plumbum imitari uideatur, & testudinem gressu imitari uidetur, imò uix coequat, miserrima & infelici uita fruitur: hic tuis argumentis (si quis alter) cohærebit: hominem percunctare:
 Men

M E N D I C V S . Optimi uiri , Dei amore & im=
 maculatæ eius matris obolum date , centuplum in
 alia uita relaturi . P H I L . Bene uales , an egrotas ?
 M E N D . Aegroto : & quo minus sanitatem asse=
 qui possim , paupertas in causa est ; maculæ uniuer=
 sum hoc corpusculum occupant , nec desunt hulce=
 rum crustæ : apud me ambiguum est , an famem
 precario pane sedare , uel saltem mitigare poterō .
 Eleemosynam mihi date , frigesco obambulans , tre=
 munt artus , uestibus careo , ho ho ho ho ho . A V L .
 Hunc denarium argento conflatum accipito : po=
 stea ne hinc abeas prius , quàm hic uir te interroga=
 re non desinat . M E N D . Id fiet . P H I L . Dic pau=
 percule , cùm tot discriminibus plenus sis , tot ma=
 lis , tot hulcerum squamis , non ne melius esset cito
 mori , q̃ his continuis miserijs affligi , à quibus nō
 nisi per mortem liberari potes ? M E N D . Certe ab
 hac misera uita decedere melius est , et qd aliud ex=
 peto , q̃ animā istā creatori suo concedere ? A V L .
 Verbis iocatur , & aliud in corde gerit . M E N D .
 Imò cor ipsum loquitur , & ueros exprimit affe=
 ctus , non uanas nugas , aut prestigiatorum delira=
 menta . Quid mihi immorandum ; quid boni præ=
 stolor ? immania solum & atrocía expectanda , &
 ni à xenodochio recipiar , extrema miseria mihi
 paratur , & luctus extremus : uideor uidere absces=
 sus , & odiosa hulcera , quæ totum corpus occupa=
 bunt . P H I L . Hic est unus , hic est , qui ueritati con=
 stanter assentit , quiq̃ sua bona noscit , & id sapiēter
 optat ,

optat, quod alij indignè fugiunt. A V L. Ne id dicas Philoſophe, hoc genus hominum iam diu noui, inſidioſum & uafum: permittas me illum alloqui: nam tibi ſum oſtenſurus hunc ipſum uitam ſummopere amare, & mortem ſummo odio proſequi. P H I L. Experiaris & tu quid in hac re ſentiat: puto illum ab ea, quam dixit, ſententia non eſſe diſceſſurum. A V L. Mendice, caue quomodo loquaris, ne uitam tuam deſpicere uelis. M E N D. Et quis non deſpiceret hanc uitam, morte ipſa deſeriores? A V L. Caue ne in teipſum ſententiam feras. M E N D. Quam ſententiam? A V L. Hanc, Suppone huic enſi collum, ſuppone, nunc nunc ab his tam ſæuis miſerijs liber eris: M E N D. Ha mi domine, in ſontem ne percutito: ne ſis adeo immittis obſecro: enſem in uaginam repone. A V L. Ha fili mi, hoc facio, ut deniq; à tot laboribus, totq; diſcriminibus liber ſis: me tui miſeret: tu mortem optas, nunc nunc illam experieris. M E N D. Ha parce huic uitæ: quid egregium tibi erit interfeciſſe mendicum? A V L. Humana quædam affectio cogit me, ut hoc munere te donem: nam ſi mori cupiſ, id efficiã, ut breui uotis tuis potiariſ. M E N D. Parce precor. A V L. Mori igitur recuſas? M E N D. Recuſo per Iouem. A V L. Sed cur prius tam cōſtanter mortem expectabas? M E N D. Ut luben-
tius obolum daretis, ſeditioſe loquebar: imò ui-
tam ſummopere cupio, quam nullus eſt qui non
deſideret, & ſummo nixu non defendat. A V L.

Videt

Videtur ne tibi hic mori uelle, ò Philosophes
 PHIL. O omnium, quos adhuc nouerim, infeli-
 cissimum: tot animæ atq; corporis angustias pa-
 teris, tot miserijs & calamitatibus premeris, &
 nondum iudicasti, melius esse, eligibiliusq; uita
 hac tam morbosa, tamque graui priuari: id est, à
 tot noxis liberari, quàm diutius animam in hac
 morborum sentina remorari. MEND. Nihil ef-
 se adeo graue puto, aut adeo atrox, quod homi-
 nem fallere possit (modo spes adsit quandoq; eua-
 dendi) ut mortem præ uita eligere uelit aut debe-
 at. Vobiscum ingenuè locuturus sum: putatis me
 esse turpissimum, inquinatissimum imbecillissi-
 mum, ut oculis uidetis: sed eos præstigijs affecti
 sum iuuenis, ualidus, neq; ineleganti forma prædi-
 tus: neq; ita mendicè uiuo, ut hic aspectus præ se
 fert: hilarem uitam, atq; uoluptuosam duco. per to-
 tum orbem alieno sumptu uagor: latrones non ti-
 meo, aut fures, sed plenus canto coram latrone,
 qui plerunque pecuniam mihi erogat: sumptus
 supra uitæ necessaria facio, & mihi ipsi nonnihil
 placeo, quando indifertus ego sapientes uiros de-
 cipio, & meis ieiunis uerbis pecuniam erogare co-
 go: postquam recesserint, in illos oppedo ridens
 atq; unà submurmurans, quomodo hic uir corda-
 tus à nostro abiectissimo genere fallitur: putat me
 Dei amicum esse, & fere illum cum beatis Ange-
 lis alloqui, cum nullum genus sit magis inuisum
 Deo nostro: nempe illum blasphemamus, iniuria
 afficimus

afficimus (si in Deum iniuria cadere possit) nummos precarioartos colludimus, atq; consumimus. **PHIL.** Stueo, & horresco, hæc audiens. Mihi totus uideris asper, luteus, pallidus, rugosus, inquinatus, squalens, & deniq; malo totius corporis habitu, quem cachexiam medici dicunt, te uexari putabam, cui & febrem, & alia multa uitæ incommoda coniungi solent: imò uox ipsa nescio quid miserrimum sonare uidetur. **MEND.** Audite uiri probi, postquam cœpi artem nostram uobis aperire, omnia ingenuè fatear: sed in hunc angulum secedamus, ut uos soli mendicorum artem condiscatis. En hæ sunt duæ iuglandes, quas ore porto, ut tremulam uocem, & semiperfecta uerba mihi faciant: has ut lubet muto, ac remuto, ut malæ crescant & decrescant, prout mihi opportunum uidetur: uarijs coloribus faciem pingo, ut exigunt loca: imò una urbe semel expilata, operādo, commutata facie iterum & tertio expilare. Cymini puluis luteam pellem facit, pallidā atq; subnigram fumus. Cum urbes aliquas Protei more in sexcentas mutatus formas defraudauerim, ficto uulnere, iocosa cicatrice, iocinoris aut lienis penula coxendici alligata, & maxillis iuglandium gratia tumentibus: abeo ad alias urbes eridendas, nummos precario receptos turpiter ludens, alea q; dilacerans. Lautius conuiuor, quàm ipsi nobiles, nihil uoluptati parcens, ne meus genius defraude-

tur. **PHIL.** Si uerè, & non fictè (ut nunc facis) e-

c grotares,

grotares, non esses omnium mendicorum miser-
 rimus; tamen ad hunc usum, ad hanc indigentiam,
 quę tibi contingere posset, nihil reponis? MEND.
 Vos non intelligitis mendicorum bona, tunc es-
 sem felicissimus. Nostrium genus ægritudinibus
 gaudet, quid nobis potest cōtingere melius, quā-
 crus diuinum? (ita enim nos uocare solemus crura
 uehementer hulcerata). PHIL. Quid aliud tunc
 superest, quā summa indigentia, & in xenodo-
 chio mori? MEND. Imò quò magis ægrotant
 mendici, eò magis pecuniā accumulānt: uos eo-
 rum mores ignoratis: optimi huius artis uiri nun-
 quam xenodochia ingrediuntur. Ignauī sunt, &
 desides, indigni; uita illi, qui in tali loco se clau-
 dunt. Verus enim mendicus, nullo morbi genere
 affectus, suum lucrum extenuat: sed quo grauiori-
 bus morbis affligitur, magis reddit alieno ære gra-
 uatus, per compita circuens, per angiportus, per
 templa. PHIL. Certum mihi est, si uehementio-
 ri quadam ægritudine caperetur, non solū non
 circuiret templa, imò nec per lectum sese uertere
 posset. MEND. Tunc domini efficimur, nobis in-
 seruiunt famuli, magis fidi, quā uestri: nam & i-
 psi mendici sunt, trahuntq; ægrum aut paruo cur-
 ru, aut humeris gestant: nullus est tam uehemens
 morbus, tamq; seuus, qui possit uerum mendicum
 remorari, aut domi claudere. PHIL. O dñi im-
 mortales, nunquam huic obscuro generi & sordi-
 do beneficiam, MEND. Oro ne mea ingenuitas
 me

me defraudet. PHIL. Te omnino non defraudabit, nam uolo ut sis mecum frequenter in prandio. MEND. Nec illud prætermittere possum, quosdam esse nostri generis, qui tanquam principes multis imperant, quos domi alunt: hi in dies precario quærunt, & quæ recipiunt, ad principis domum portant: si panes sint, & pro prandio, uel coena super sint, eos baiulis uendit dominus: si uestes, aut aliud simile, omnia suis artificibus uendens, in nummos uertit: imò & hi mendicorum magistri hos pueros emunt, praua & turpis ipsorum affectio pretium auget, & quod magis sunt tetra hulcera, eò citius emuntur. Si mendicorum mores excutere tentarem, nox prius accederet, quàm sexcentessimam partem referre possem. PHIL. Hæc satis superque sint. At pro tua hac ingenua dicacitate argenteam monetam accipito, abique, & interim alios fucato uultu, & trementibus uerbis decipere pergas. MEND. Valet. AVL. Vides & hunc omnium quos adhuc uiderimus, mendicissimum, mortem effugere. PHIL. Imò mendacissimum, cui an uera credi debeant, suspicamur, nihil non fingit nouus hic Proteus. Quod hominum genus ad uorandum, & ingurgitandum nascitur, quid frugis humanæ naturæ præstare potest? Miror Deum hos patientissimæ ferre: & nisi esset summum bonum, ferre non posset. AVL. Egregie dixisti. Sed en colonus meus huc accedit, uir omni laborum genere implicitus: hunc uoco: tenta, an tuæ de mor-

te sententiæ fauere uelit. Thoma. THOMAS.
 Heus patrone, non te uiderā: quid hic agis? AUL.
 Tu uero cur ad urbem accessisti, cum nunc emen-
 dandæ sint uites, atq; recidendę. THO. Nihil mi-
 hi agendum superest ruri, nam & uites, & arbores
 omnes putauī, & fulcis semina dedi. Reliquum est
 naturam occultis fomitibus alimentum & au-
 gmentum præstare. Interim dum ipsa die noctuq;
 agit, in urbem uenī, ut supellectilia quædam meæ
 familię necessaria emerem. PHIL. Sed hæc mis-
 sa faciamus: Thoma, dic mihi, in toto anni curri-
 culo habes ne diem unum uel alterum, in quo cor-
 pore & animo quiescas? THO. Nullum certè ha-
 beo: nam & si corpore in die Resurrectionis Chri-
 sti, & eiusdem Natiuitatis quiescam, animo sum
 agitatus: quippe familiaribus curis, alijsq; mentis
 negotijs perturbor, ut nec per integram horam ue-
 ra quiete frui possim. PHIL. Non ne melius es-
 set, integre, quiete, sine aliqua uel corporis uel ani-
 mę perturbatione diutius uiuere? THO. Quis du-
 bitat? PHIL. Dum hac uita, & hac uitali aura
 frueris, putas ne quandoq; quietem istam te in-
 uenturum? THO. Nunquam. PHIL. Non ne
 in alia uita hæc quies habetur? THO. Si quis in
 Dei gratia bene obeat. PHIL. Ergo expetenda
 est hæc alia uita, tam bona, tamq; omni malo pri-
 uata: & hæc deferenda, quæ potius mors est, quàm
 uera uita? THO. Ita est. PHIL. Tu igitur Tho-
 ma, quanto citius fieri posset, aliam uitam optare
 deberes:

deberes: quæ cum haberi non possit, nisi per huius mortem, & huius mortem desiderare debes, ut uitam illam quàm optimam enanciscaris. THO. Mortem optare non possum: imò quicquid facio, quicquid patior, quicquid uel molestum uel incommodum fero, id omne ut superuiuam fero & perfero. PHIL. Sed quietem habere non potes in hac uita. THO. Satis quiesco si uixero. Qui me oderint, illa uita quiescant, illa oblectentur, in illam ocysimè recipiantur. PHIL. Et hic ex eorū genere est qui nesciunt sua bona. Vale mi Thoma. Non est opus cum hoc rustico tempus conterere. AVL. Vides, mi Philosophe, in porticus sine, quo loco Vitrearius cucurbitas papyro munit, hominū cœtum? PHIL. Video. AVL. Hi omnes in sudore uultus suo pane uestuntur: illuc ne pigeat accedamus, forte ex illis unus tibi consentiet. PHIL. Non ab re erit inter tot miseros unà periculū facere, gressus acceleremus, ne quis inde recedat. Quum primum ad hos mercenarios peruenere, Philosophus omnes una uoce salutauit: illi uersa uice resalutarunt. Tunc Philosophus: Num, uiri optimi, melius esset, atq; felicius, ab illis curis, quæ animos uestros uexant, ab illis laboribus, quos perfertis, liberos esse, quàm eisdem iugiter occupari? Equidem, respondere. Philosophus deinde: Non uideo, quomodo liberi esse possitis, nisi hanc miseram uitam cum morte cōmutetis. Probauit Suicida sententiā: quin addit, Mors est calamitosis

egregium munus. Hoc ex quo animo ferre non potuit fumarium mundator: sed indignatus, Suicidam loquentem pingui sermone impediuit, inquiens: Tu id sentis: At ego mallem dolijs pro fulcro supponi, quàm uita hac excedere. **PHIL.** Nonne quisque uestrum miserrimè uitam ducit, cui defunt uestes, defunt cibi, defunt omnia uitæ commodas **SVICIDA.** Impudenter loqui uideris, ò Philopophe: nam uitam ingloriè quidem, sed uoluptuose deducimus. Nempe phasiani defunt, defunt peredices, et Cretica uina: sed uilioribus saturamur, cæcis contenti, alijs, & secundario pane: quæ etiam nos sapidius comedimus, quàm uos phasianos & capos. Quot uestibus indigemus, tot ambimur: nam frigore parum afficimur, quo uos tenelli, ac delicatuli exanimamini. Quoties sues interficio, offam, & salis pugillos in hanc peram latèter abscondo: & si mulieres adsint, iubeo ut catillos, lancetque ferant, ut interim abeuntes, furta occultare possim. Quisque nostrum lucello, & præda commodè uiuit: nemo non furatur. Hic si fumarium purget, non nihil aufert, quod mulieres in fumario condidere: & alij pro sua sorte atque arte idem facere conantur. **PHIL.** Num continuò timore infestamini, furta, etsi pusilla sint, detegi? **SUIL.** Maxime. **PHIL.** Ergo iugis est, & perpetua poena, uita uestra. **SUIL.** Omnino, tamen non est adeo pertinax, ut mortem optare debeamus, cum hæc omnia pro seruanda uita à nobis fiant. **PHIL.** Quid

Quid si liſtores uos caperent? s v i l. Pro re tam uili non capiunt: & ſi etiam caperent, quiſq; pro ingenio ſuo, aut fugere, aut carcere ſolui tentabit. Nullus hic eſt, qui mori uelit. p h i l. Valete omnes. a v l. Neſcio an quis alius miſerabilior in hac urbe inueniri poſſit: omnes enim in hunc angulum unà conuenere: tamen nullus eſt, qui mori uelit, aut cupiat: uel latrinas, uel fumaria purget: uel ſues, uel boues interficiat: uel uitrea uafa, uel herbas & olera uendat: uel enſes, & cultros acuat: uel ſtoreas papyro conſarciat: nec ipſi ſaſſamenta- rii, macellarii, fruſtuarii, huic uitæ concedere uolunt: nec lactarius, & qui ueteres calceos reſarcit: & ſi uno uerbo dicere liceat, nullus ex inſimo hominum genere tuam ſententiam approbauit. Sed eni mi Philoſophe, occaſio datur, qualem uolebamus: Mulier quædam Aethiopica, ex earum genere, quas Cinganas uocamus, tibi à tergo blanditur, ut nummos extorqueat. p h i l. Scythica eſt, non Aethiopica. a v l. Ipſa eſt tibi bonam fortunam dictura, quæ illi parum adulatur: ſed permit- tas me illam alloqui. p h i l. Ut lubet. a v l. Vis mihi fortunam meam referre, & quæ futura ſunt, aperire? a e t h i o. Id efficiam, ſi deinceps obolum numerabis. a v l. Duos etiam numera- bo: caue autem ne me fallas. a e t h i o. Ex- tende manum. a v l. En. a e t h i o. Duas uxores duxiſti, è quibus tres filios naſtus es: deinceps feliciffime uiues, niſi duo obſtiterint, filij mors

immatura, & capitis uulnus. Auarus es, & immodica libidine caperis. A V L. Ha impudica atq; improba mulier, nihil ueri refers: putabas me defraudare, ut alios soles: per Iouem posthac neminem defraudabis. Suppone colla, ut citius & minori ictu moriaris. A E T H I O. Ha ha domine quid operosum ages, mulierem interficiens, & pauperculam? Parce precor, parce huic paruo nato. A V L. Mihi uideris fatua, & tibi inuida: nam si ab hac inopia liberaberis, si tot laboribus finem facies, si nihil amplius erit, quod optare possis, si deinceps alienas urbes uisitare non cogeris, ut uiuas, non ne tibi continget res gratissima, res quam potius quærere deberes, quam inuentam reñcere? A E T H I O. Nostrum genus assuetum est laboribus, imò aliud uiuendi genus consequi nesciremus, q̃ istud: me igitur abire finitò. A V L. Cur igitur tam temere dicebas, me auarum esse, atq; libidinosum? A E T H I O. Quoniam rari sunt seniores, qui auari non efficiantur: & rarissimi homines, quibus libidinis actus non placeant. In reliquis quid prædictura sim, quo ordine, & quibus signis ignoro: nec aliqua est nostri generis, quæ quid dicere uelit, sciat. Vos estis, qui (nescio qua persuasione ducti) putatis nos Scythicas mulieres Chiromantiam, & uaticinandi artem callere, cum & ipsa præsentia nos fugiant. Nos semper bona promittimus, ut mulierculis placeamus, & aliquam pecuniolam extorqueamus. Tamen ne semper benedicere uideamur,

deamur, aliquid incommodi addimus: sed tale, ut non possit bona peruertere. Certus sis, nos futuras Cræso ditiores, si uentura prænoscere sciremus.

A V L. Vitam tibi munere impartior, & simul hanc monetam addo: hinc cito abeas. A E T H I O.

Dij sint tibi faciles. A V L. Philosophus, nullus est, qui in tuam sententiam descendere uelit, quamcumque mendicus, & ægrotus. P H I L. Nondum claros homines allocuti sumus: sed ignaros solos, & qui ueluti belluæ uitam ducunt. Nunc adeamus artifices, hi forsan nostræ sententiæ inhærebunt. A V L. Et hi quoque cum alijs à te discedent. Sed en in pharmacopolæ officina huius generis conuentus agglomeratur, nescio quid simul habeant commercij, Aediles forte præstolantur, qui eos ob immunditias mulctarunt, quas ante officinas spargere non cessant. P H I L. Commode offeruntur. A V L. Properemus. P H I L. Ut fert ætas, gressus accelero. O uiri probi, ne pigeat in hunc angulum secedere: nam uobiscum de re quadam graui uerba facturus sum. Tunc artifices secedamus inquit, hoc enim nihil impedimento est. Hos Philosophus in hunc modum alloqui cœpit: Viri fratres, putatis ne summum aliquod bonum euenturum, quo in hac uita felices esse possitis? Nihil unquam tale euenturum iudicarunt. P H I L. Vos igitur in hac miseria uitam semper ducetis. at illis uisum est hoc nomen, Miseria, graue nimis: Quid, inquit, miseria? nullus est ex his, qui ad-

c s sunt,

sunt, miser. **PHIL.** Audite fratres, atq; filij, nec indignemini, si uerbum aliquod uobis asperum uideatur. habetis ne omnia, quæ possunt haberi cōmoda? **ARTIFICES.** Omnino potius omnia incommoda. **PHIL.** Estis ne ab humanis curis liberis? à solitudinibus mentis? à corporis ægritudinibus? **ARTI.** Non sumus: sed his plerumq; nobis etiam nolentibus, afficimur. **PHIL.** Res uestræ succedunt ne secundum uota? **ARTI.** Nihil unquam, aut certè rarò succedit: imò in dies res nostræ in peius labuntur, & mala, figuli rotæ in morē, quotidie reciprocant. **PHIL.** Speratis ne dum hac aura frui licebit, ab his quas retulistis curis uos euasuros? **ARTI.** Nunquam. **PHIL.** At si uobis alia contingeret uita quietior, quæ ab omnibus his curis uel liberos efficeret, non ne illa protinus à uobis cupide quærenda esset? **ARTI.** Quam uitam nunc dicis, quæ nos ab his malis liberare possit? **PHIL.** Illam, quæ ab imprudentibus Mors uocatur. **ARTI.** Nobis imprudentior is uidetur, qui hac uelit priuari uita, ut aliam ignotam uitam ingrediatur: hic deridendus esset, ut Aesopus canem illum suum derisit, qui inspecta carnis umbra, ueram carnem dimisit, ut fictam uorare posset: nulla nobis uidetur huic nostræ preferenda uita. **PHIL.** Ergo nec deum creditis omnibus præesse, & deliciarum locum habitare, ad quem beatorum animæ perueniant, & in quem boni recipiantur, ut felicissima & inenarrabili suauitate

uitate plena uita letentur, & uiuant. **A R T I.** Imò nos deum esse credimus apud inferos malorum ultorem, & qui in coelis omnium bonorum præmia rependat: tamen nos hic habitare malumus, nempe hac uita nunquam spoliati, delicias illas, & iucundas paradisi uoluptates nunquā persensimus: quas si persensissemus, fortè illis allecti, hanc præsentē uitam despiceremus. Interim uerò conabimur, quantum in nobis erit, hanc manere. **P H I L.** Esto amici nulla sit alia uita, quàm ista: num melius est à quotidianis curis tandem solui, & ab infinitis laboribus liberari, quàm in ipsis tanquam in Prometheus scopulis consenescere? **A R T I.** Equidē. **P H I L.** Quis est qui in hac caduca & fragili uita continuis curis non affligatur? **A R T I.** Nullus. **P H I L.** Concessistis (nec dudum) melius esse à curis liberum esse, quàm ipsis affici. **A R T I.** Maxime. **P H I L.** Addidistis præterea, neminem esse, qui dolores, qui curas, qui anxietates in hac uita effugere possit. **A R T I.** Certe. **P H I L.** Igitur melius est hac uita, quæ est uera mors, priuari, etiā si nulla alia sit uita, quàm in illa tot malis, tot discriminibus affectos immorari: nam qui hac uita priuantur, nihil amplius sentiunt. **A R T I.** Tuæ huic sententiæ nunquam subscribemus: imò totis uiribus conabimur, hanc uitam longius protrahere quàm possibile fuerit: & conabimur, ut in nobis erit, calamitates, curas, dolores, si non in totum auferre, eas saltem leuare. **P H I L.** O bone deus,

uideo uos esse homines irracionales , qui singulas propositiones conceditis, tamen conclusioni, quæ necessario sequitur, non assentimini. Quippe conceditis, nemini in hoc mundo contingere posse, ut uitam habeat calamitatibus liberam. A R T I. Et iterum annuimus, & re ipsa experimur. P H I L. Concessistis deinde, melius esse, ab his laboribus solui, quàm in ipsis diutius consenescere. A R T I. Illud etiam elargimur. P H I L. Iudicatis præterea mortē solam eam esse, quæ ab his uinculis uos soluat. A R T I. Et nūc sponte iudicamus. P H I L. Velitis igitur, aut nolitis, necessario inferre oportet, à uobis, & omnibus nobis mortem esse optandam, esse quærendam, & eò eundum, quò ipsam inueniamus, ut ab huius mundi curis, laboribus, & angoribus liberemur. A R T I. Nos è contrario dicimus, nec optandam esse mortem, neq; quærendam: sed ut fieri potest, fugiendam. P H I L. Num facta ratio hoc infert? A R T I. Quid ad nos tuæ hæ ratiunculæ? nos uiuere oblectat, etsi curæ in dies in sexcentas formas transmutarentur. P H I L. Estis ergo irracionales, qui rationem uidetis, assentimini præmissis, tamen conclusioni absq; ratione, absq; ulla apparenti excusatione terga datis. A R T I. Hoc est quod nos sentimus: tibi tua optio contingat, posteaquam tam ardentem mortem desideras: aut forte hoc nobis persuadere tentas, cum tuus animus longe dissentiat. Nunc opus est Aediles alloquamur: en accessere. Valete.

Aul.

A V L. In hoc cœtu nullum artificis genus deerat, tamen omnes mortem euitare cupiunt: nescio an alter homo inueniri poterit, qui magis laboribus insudet istis. In diuitibus, atq; nobilibus tentandum non est, an illos in tuam sententiã ducere possis: nã huius mundi illecebris affluunt, & summis delicijs abundât: Paradisum putant mare hoc, quo innatamus: suas habent delicatulas concubinas, & molles matrices: nectareis poculis, & condito ambrosia cibo uestuntur: palatia habitant ex aromatibus myrrhæ & thuris, & uniuersi pulueris pigmentarij suffita: atria nunc omitto, & cubacula gemmis & auro decorata: pensiles hortos irriguis floridiores, & terrenos gelida hyeme fecundos. **P H I L.** Statueram diuites hos non tentare: tamen ex his nonnullos noui, qui dolorificis ægritudinibus infestantur: unum præ omnibus tentandum elegi, qui uehementissimis podagricis doloribus cruciatur, ad huius domum uertamus iter.

A V L. I præ, sequar. Interim senes hi, gressus ut decebat ætatem, accelerabant, quoad podagrici ædes offenderunt: ualuas reclusas inueniẽre, ut nobilius Ferrariensium mos est: ingrediuntur uestibulum, & per impluuium in epistylium transeunt: scalas ascendunt, quas dextrorsum offendere: atrium ingrediuntur, & deniq; ad nobilis ægrorantis cubiculum perueniunt: pulsant, aperitur. Tunc Philosophus, Saluus sis, mi patrone. **N O B I L I S.** Utinam Dñs gratum esset: sed à me longe abest

ge abest sanitas : quid mihi profunt diuitiæ ? quid
feruorum chorus ? quid nati ? quid generis nobili-
tas ? nam hac ægritudine adeo premor , ut uix re-
spirare possim . PHIL . Hæc quæ pateris , con-
stanti animo ferre debes . nam misericors Deus ple-
rumq; in hoc mundo tristitia quædam infert , ut uel
in altero pœnas auferat , uel easdem saltem remit-
tat : quicquid homo hic patitur , omnia æquo ani-
mo ferre debet . NOB . Cùm nemo possit suo fa-
to obistere , illud eo animo , quo potest , ferre de-
bet , & totis uiribus conari , toleranter ferre : tamẽ is
equidem cæcus est , qui podagram non dico con-
cupiscit , sed uel illi pusillum etiam blanditur : ne-
scio an illi purgatoriũ luctus , & afflictiones extre-
mæ , podagricos dolores æquare possint : nempe
pedibus meis clauos infigi persentio , & caro quæ
ossibus inhæret , eodem modo reuelli uidetur , ut
suilla fassamentarij caro reuellitur , cum ad confi-
cienda tuceta ossa carnibus exuuntur . PHIL . Cer-
tè uel Plinius , uel quis fuit ille Philosophus , non
ab re scriptum reliquit , Satiùs esse nunquam nasci ,
aut statim in primo lucis ortu aboleri . NOB . Hos
procul dubio affirmare ausim , satius esse non na-
sci , aut citius mori , quàm podagricis doloribus af-
fici . PHIL . Non ne etiam expedit , eum qui hoc
uehementissimo dolore afficitur , quanto citius fi-
eri potest , liberari ? NOB . Certè . PHIL . At cū
hoc fieri non possit , nisi per mortem , huic ægro
mors quoq; optanda est , atq; expectanda : ueluti
summum.

summum quoddam bonum, quod illum liberat à
 malis. **N O B.** Id nunquam dixerim, mori me=
 lius esse: nam pristinae sanitati restitui, optabilius
 est: tamen si quis inuitus totam suam uitam in his
 cruciatibus transigere cogeretur, is mortem po=
 tius cupere deberet, quàm tot angustijs, tot dolo=
 ribus affectus, diutius in uita commorari. **P H I L.**
 Tamen fieri non potest, ut is qui grandis natus sit,
 & ferè senio confectus, podagricos dolores euita=
 re possit: propterea hic præ uita mortem eligere de=
 bet. **N O B.** Hic noster podagricus morbus in=
 tercalaris est, & in toto integro anno plures habet
 inducias. **P H I L.** Interim dum uos inducias
 habere putatis, quia podagrici dolores absunt,
 non ne domesticis curis, & familiaribus laboribus
 occupamini? **N O B.** Maxime. **P H I L.** Nunq̃
 igitur est à malis uel corporis, uel animæ libera hæc
 uita? **N O B.** Nunquam. **P H I L.** Eam igitur de=
 ferere potius præstat, quàm sedulo, modo corpo=
 re, modo animo uexari, & nunquam ab his libe=
 rum fieri posse, expectare. **N O B.** Non sunt adeo
 graues hæ curæ, neq̃ adeo laboriosæ, ut mortem
 implorare debeamus, qua media curas illas euite=
 mus. **P H I L.** Num satius est curis uacare, quàm
 illis esse impeditū, uel graues sint, uel leues? **N O B.**
 Omnino. **P H I L.** Num id expetendum, quod
 ab his soluere potest? & ab ea præsertim calami=
 tate podagrica, qua te iterum uexari formidas?
N O B. Prorsus. **P H I L.** Est ne aliquid in hoc ui=
 tæ pe

tæ pelago, quo & familiares curas, & mentis af=
 fectiones, & podagricos labores emendare possis?
 NOB. Nihil, quod sciam. PHIL. Num omnia
 hæc incommoda uitæ exitu corriguntur? NOB.
 Corriguntur quidem, uel potius auferuntur, sed a=
 lio nō mediocri dispendio. PHIL. Quor? NOB.
 Lucis, id est, uitæ priuatione. PHIL. Vita hu=
 mana non'ne hæc omnia, quæ superius dicta sunt,
 præstat, in qua nemo sua sorte contētus est? NOB.
 Prorsus. PHIL. Non'ne igitur id præ omnibus
 eligendum est, quod mali nihil, boni plurimum
 est? NOB. Certè. PHIL. Mors uitæ opposita
 est, & uita omnia mala affert, mors uerò illa au=
 fert: nam uitæ opposita est, & hæc est opposito=
 rum conditio, opposita facere. Dic igitur, non'ne
 id deterius est, quod mala facit, quàm id, quod illa
 aufert? NOB. Maxime. PHIL. Est igitur ui=
 ta morte deterior, & mors ipsa à uere sapientibus
 optanda. NOB. Tua hæc argumenta aliquid mo=
 menti omnino habere uidentur: sed non tale, ut ad
 mortem me allicere possint: hac uita mirificè cble=
 ctor, & hoc unum est, quod in summis podagræ
 cruciatibus me præter modum angit, Pavor mor=
 tis. PHIL. Non'ne mors tuo podagrîco dolore
 melior est? NOB. Et suauior, quia dolorem e=
 mendat: tamen dolores istos potius ferre uolo,
 quàm mori: nam spe quadam pascor, auferri do=
 lores posse, & deinceps per temporis spatiū absq;
 dolore superuiuere: nec frustror mea spe. PHIL.

Interim

Interim tamen uarijs curis afficeris, & continuò podagrę timore. **N O B.** Nugæ sunt, quas refers, cum semel euaserim, nihil mali amplius futurum cogito, & præteritum obliuioni trado. **P H I L.** Si dimidium uitę tempus curis, & doloribus afficereris, eligeres ne in his consenesce-
N O B. Imò gratissimum mihi foret, & ad decrepitam usq; ætatē peruenire. **P H I L.** Quid si maior uitę pars eodem modo affecta esset? **N O B.** Adhuc consenescere optarem. Imò cum nihil sit uita melius, nihilq; suauius, etiam si toto uitę tempore ita afficerer, uiuere potius optarem, quàm mori: nempe ignoro, quò profecturus sim. **P H I L.** Igitur fide cares? **N O B.** In fide non dubito, sed res est dulcissima uita. **P H I L.** Quare igitur cum primum huc accessi, & tu ipse dicebas, auferri ab hac uita melius esse, quàm his continuis miserijs, immorari? **N O B.** Tunc communi loquendi modo utebar, & non ex re, neq; ex animo. Hæc est summæ summa, Mortem summe abhorreo, & super omnia terribilia odio habeo. Vidi multos etiam sæuissimis morbis cruciatis, qui tamen totis uiribus mortem effugere tentabant, quam & deliri ipsi euitare conantur. **P H I L.** Num multi se ipsos suspendunt? **N O B.** Hi non sunt fatui, neq; deliri, sed maniaci, & furibūdi, cacodæmone agitati: hos, & eos etiam, qui se præcípites dant, non solum non puto homines esse, sed neq; etiā animalia. **P H I L.** Tamen mortem cupiunt, & illam tanquam bo-

num pro scopo accipiunt. N O B. Certè pro bono accipiunt: sed æquè est, ut is, qui meretriculas audit, quas morbo Gallico affectas esse nouit. hic enim morbum cognoscit, affectionem uidet, tamen irretitus turpi illa tentigine, quam sub specie boni & delectabilis imaginatur, morbum spernit, què plerumq; magno præmio emit. Et parricida speciem boni accepit, ut hæres esset, tamen rem sceleratissimam perpetrat. Qui igitur seipsum necant, quod pessimum est, sub boni quadam specie agunt. Imò ex hoc, mortem omnium rerum pessimam esse, inferre oportet. Dic igitur mi Philosophè, (nunc & ego uersa uice Philosophum interroga-
bo) si quid sit, quod alio melius sit, non ne omnia eiusdem generis, his quæ sunt in alio genere meliora erunt? P H I L. Profecto. N O B. Si mors igitur uita præstantior sit, quælibet mors quacumq; uita præstantior erit. P H I L. Syllogismo concluditur. N O B. Certus autem sum, te nunquam putaturum mortem illius qui se ipsum perimit, esse se meliorem uita, etià cuiuslibet miserrimi. P H I L. Imò ratione qua mors est uita melior, sed ex conditione agentis peior est: nam hæc est rerum conditio, hic mos, Quo res sunt præstantiores, eò peiores esse oportet, ut praua agentis conditio exposculet: cuius rei exemplum habere potes in Eucharistia, qua nihil sanctius, nihil religiosius, si uir integer bono animo consecrauerit: è contrario, nihil deterius, nihil perfidius ratione agentis, si turpi animo

nimo consecratur. NOB. Vno uerbo te expedi-
am, ò Philosophè: Quando ita tibi lubet, moria-
ris: ego uitam opto, uiuere cupio, & nihil mihi a-
trocius uidetur ipsa morte. Abite igitur, & cum
mortuis de morte uerba faciatis. Interim ego cum
uiuis de uita concertabo. PHIL. Vale igitur mi
nobilis uir. Aulice, diues hic mediocri dolore in-
festatur, & si quis habeat humana commoda, hic
unus est. Alium quendam adeamus, à teneris annis
amicum, qui uesicæ calculo, & renum doloribus
cruciat, quibus (ut Plinius & antiquiores me-
dici censuerunt) nulli alijs sunt grauiores dolores.
AVL. Mihi abstinendum uideretur, ò Philoso-
phe, ab hoc labore, nam si hic, quem tam dire cru-
ciatum uidimus, mortem euitare studet, neminem
puto tibi assensurum, & nos impræsentiarum fru-
stra lapidem loturos. PHIL. Tamen argumen-
tis coactus est. AVL. Quid curat ipse argumen-
ta? Interim ad ædes patientis calculum peruenere.
Valuæ reclusæ erant, & puer à paleis quibusdam
& festucis uestibulū emundabat: huic dixit Phi-
losophus: Qua re impræsentiarum herus tuus oc-
cupatur? PVER. Mœrore, & uehementi crucia-
tu: audisti' uocem illam magnam, non mediocri-
ter intonantem? PHIL. Audiuius ualde lon-
ge, & mirati sumus clamorem. PVER. Is fuit,
quem mox reliqui, pudenda absq; pudore osten-
dentem, & pecudum more (ex doloris uehemen-
tia) manibus ac pedibus ambulantem. PHIL. Mi

hi summè placet, ut illum hac hora conueniamus.
 P V E R. Expectate parumper, quoad illi de ue-
 stro accessu nonnihil indicem. Quo nomine uoca-
 ris? P H I L. Tam cito mei oblitus es, qui quoti-
 die huc accedo? P V E R. Parce mihi Philosophè,
 nescio quid mihi obumbrauerat oculos. Ingredi-
 ens puer, horum aduentum domino indicauit, qui
 è lecto surgens Philosopho occurrit, in hunc ferè
 modum exclamans, Sæpe sæpiusq; ad nos ingre-
 deris ò Philosophè, tamen nulla præsidia tecum
 affers, nulla tuę doctrinæ testimonia: affer, affer re-
 media, quę tã diros cruciatus extinguant. P H I L.
 Aequo animo feras, nam Deus optimus sanita-
 tem reddet, & nos nonnihil præsidij nobiscum at-
 tulimus: nam puluerem hunc pusillum ex litho-
 spermate, & alijs nonnullis, cum ibis hac nocte cu-
 bitum, degluties, qui maximo erit tibi leuamento.
 Sed dic, ò amice (ni tibi sit molestum loqui) cum
 lapidis incendio perureris, & eius motu dolore
 angeris, num melius esset mori, quàm tam diris af-
 fectibus cruciari? C A L C V L O S V S. Quid in-
 quis mi Philosophè? Mors oblectamentum esset,
 esset deliciæ: quippe nunquam spero ab hac effera-
 ta ægritudine liberari. P H I L. Tu igitur ab hac
 uita solui cupis. C A L. Et uehementer cupio: imò
 & singulis diebus mortis auxilium imploro, &
 eam apertis & obujs ulnis expecto. P H I L. Au-
 lice hic suasore non indiget: iam uici & palmam
 referre debeo. A V L. Non sum tam leui testimo-
 nio con-

nō contentus: permittas me illum alloqui, ut no-
 scam, an serio, uel ioco loquatur. Dic charissime,
 es'ne unquam uita functus? C A L. Nunq̃, tamen
 hoc percipio. A V L. At mortis dolores non-
 dum expertus es. C A L. Imò singulis diebus ex-
 perior, & nunquam mori finio. A V L. Sed mor-
 tis dolores in centuplo superant illos, quos impre-
 sentiarum pateris ex calculo: nam Mors ultimum
 est terribilium: sed cras (ut arbitror) experieris.
 C A L. Vides'ne mortis quædam indicia? A V L.
 Nulla profectò. C A L. Cur igitur tam præceps
 iudicasti me cras passurum esse dolores mortis?
 A V L. Ne cures hoc scire. C A L. Obsecro per
 Deos, si quid occultū uides, id mihi aperias. A V L.
 Non possum tuis precibus non satisfacere: Philo-
 sophus hīc tibi à cunis amicus, ut uir est insignis &
 pius, tui misertus est, & puluerem illū uenenosum
 emit, ut te ab his affectibus paucissimis horis libe-
 raret. C A L. Ha improbe & scelestè Philosophè,
 non satis adhuc angor, tu tentas nostris miserijs ul-
 timum luctum addere? A V L. Tu igitur non pu-
 tas melius esse mori, quàm tam sæuis cruciatibus
 uexari? C A L. Non equidem. A V L. Igiturneq̃
 uita priuari cupis? C A L. Non per Deos. A V L.
 Cur igitur tā constanter affirmabas, hāc uitam tibi
 fastidio esse, & mortem præ uita eligebas? C A L.
 Dolor ipse in hæc uerba me duxit, quo infestante,
 quid loquar, ignoro. At sedato dolore, sententiam
 muto, & cum filijs, uxore, atq̃ amicis consenesce-

re opto, quævis & nunc grandis sim natu. **P H I L.**
 Tu ergo uexari potius elegisti, quàm liberari.
C A L. Nequaquam. **P H I L.** Tamen mors id cu-
 rabit, & ei opem præstabit, cui nescit uita mederi.
C A L. Viuendum est, etiam dolore summe infe-
 stante: nam reposita est quædam spes in sinu meo,
 qua spero adhuc sine calculo me superuicturum.
P H I L. Tamen unum est, in quo uideris mortem
 præ uita elegisse. **C A L.** Quidnā est hoc? **P H I L.**
 Optimos calculorum abscissores per totam Italiā
 quærere non desinis, ut calculum educant: num
 tunc morti planè exponeris? **C A L.** O' quàm ua-
 nissime loqueris: imò hos quæro ut uiuam: uir es
 pinguis Mineruæ: uideo me hunc dolorē diu non
 esse laturum, ut annos aliquot meæ uitæ addam,
 hoc dispendium subire non uereor: quod etsi pe-
 riculosum sit, tamen multos etiam euasisse noui-
 mus. sed en dolores iritantur, intenduntur, parca-
 tis obsecro, si pudenda detexi, nam cogor ubique
 mingere: hinc abeat obsecro, quoniam & simul
 inter mingendum excerno. **P H I L.** Vale, & pul-
 uerem illum deglutito: nam uenenosus non est, sed
 ita tibi dixit Aulicus, ut probaret an ex animo di-
 ceres, quando mortem uitæ præferebas. **A V L.** Vi-
 distin' quo cruciatu, quo acerbo & uehementi do-
 lore teneretur pauperrimus hic uir: obriguit pe-
 nis, stillabat sensim, uix oculi temporibus coërce-
 bantur & sua orbita, eius facies tanquam ignis
 exardescit, tamen diu uiuere cupit, tot miseris atq;
 calamita

calamitatibus afflicti. PHIL. Ex his est, qui sen-
 su, & non ratione ducuntur: sed Philosophos, atq;
 Theologos adeamus, qui naturæ secreta cogno-
 scunt, & qui huius uitæ indignitatem, & alterius
 uitæ præstantiam nouerunt: hi statim in nostram
 sententiam descendunt. Interim religiosos omit-
 tere decreuimus, quos mortem odio habere noui-
 mus, & uitam summopere diligere, & qui Dei a-
 more incommoda euitant: hos uerò omittam, ne
 quis ex bonis offendatur. AVL. Ne hos uiros
 posthabeas: nam si quis tibi assensurus sit, ex hoc
 genere erit: nam peccatis carent, esuriunt, sitiunt,
 uigilant, de nocte surgunt, ut psalmos & orationes
 cantillent, in patriam festinant. PHIL. Nolo hu-
 ius generis uiros irritare: intus & in cute illos no-
 ui. Si quid uerissimum depromerem, quod in eo-
 rum mores aliquid faceret, statim hæreticum me
 uocarent: adeo omnia, quicquid ea sint, ad fidei ar-
 ticulos deducunt. Nos uerò quicquid de his sit, id
 reducamus in cumulū uirtutis, & meritorum, &
 inscitiam fingentes, uulgarium mores imitemur,
 antiqua scilicet mulorū uestigia sequentes. AVL.
 Suborta est mihi æbiguitas, ò Philosopho. PHIL.
 Quenam? AVL. Si mors desideranda est, quisq;
 igitur se ipsum perimere deberet, ut finem suum
 assequeretur. PHIL. Hoc fieri nō debet: tu nō ne
 putas homines esse sub Dei potestate, & ab ipso
 custodiri: neq; aliquem ex eius custodia (ut Plato
 inquit) eo inuito aufugere debere? AVL. Ita reor.

P H I L . Si quis ex tuis seruis seipsum, te inuito, inter-
 ficeret, nū illi irascereris, atq; si posses, poena af-
 ficeres? A V L . Omnino si possem. P H I L . Quū
 Deus homines possideat, nemo seipsum interficere
 debet, nisi Deus necessitudinē aliquā imposuerit,
 quā euitare non posset aliter, post mortem ab illo
 punietur, qui & animā ipsā punire potest. A V L .
 Diligenti ratione suasisisti, neminem seipsum interfi-
 cere debere: sed mihi in hoc obtrēpera: Duo sunt in
 carceribus oclusi, senex & iuuenis, ambo plecten-
 di capite, eos inuisamus obsecro. hi fortē prius à re-
 ligiosis irretiti in tuā sententiā deuenient. P H I L .
 Vt lubet. Tunc pedibus addidere alas, ad carce-
 rem perueniunt, & statim loci poenalis commen-
 tariensem magistrum inueniūt: cui dixit Aulicus,
 quid agis mi Philacista? hic respondit, Lictores
 expecto, qui duos quosdā misellos damnatos ca-
 pite ad Prætorem conducant. Hic subridens dixit,
 Cur huc accessistis? uultis ne cōdi, & carceribus ser-
 uari? A V L . Dī auertant: sed hos miserrimos (nī
 refugerint) lubēter alloquemur: sunt ne uno in lo-
 co? P H I L A C I S T A . Non: sed in hac prima cu-
 stodia iunior clauditur, satis belle ad mortē prępa-
 ratus. In illa uerò, quæ dextrorsum est, senex con-
 tinetur, quē nullus uir probus solari potest, nullus
 illi suadere potest, ut mortē, quam promeritus est,
 libenter subeat. Hic igitur locus est, in quo iuuenis
 clauditur: si placet, ingredimini. Post hęc carcerē in-
 gredientes, Aulicus in hęc uerba prorupit: Deus te
 liberet, ut Ionam fecit de uentre ceti. Tum iuuenis

decollandus hoc audiens dicit, hac re indigeo: sed posteaquam huc accessimus, hac eundem est. Tunc Philosophus, Quàm felix es, & ipsa iuuenta illustris, qui cras sub aurora miseras humanas sub imperio habebis, immortalis uita donaberis, pro mortali & caduca: quid aliud expecto ego præclarius, quàm ab his miserijs auferri? **IUVENIS** decapitandus: Hac sorte contentus sum, cum Dñs ita placuerit, & mea coinquinata scelera promereant.

PHIL. Confide fili, & hæc constanti animo feras: iam uideo tuæ constantiæ præmium apud superos in martyrum choris parari. **AVL.** At si fieri posset, non potius uiuere malles? **IV.** Malim profecto. **PHIL.** Ne illum in uitæ amorem reuocemus Aulice. **AVL.** Esto: ad senē accedamus, nam hic iuuenis libenter à uita decedit, quia mortis iudicium rescindere non potest. Adde iuuenes ob imperitiā uitam minoris facere, quàm senes: propterea singulis diebus iuuenes inconsideratè uitæ discrimina subeunt. Senem uerò decapitandum partim fatuum existimo, partim sapientem: fatuum, qui tam odiose ferat, quod euitare non potest: sapientē, in diligenda uita. Sed en audi ipsum senem eiulatibus conquerentem, **PHIL.** Senem quidem audio, sed pueris comparandum. Iamq̃ senis custodiam ingrediebantur. Tunc Philosophus altiori uoce intonuit: Quid agitur? Vnus ex his qui senem solabantur, pro cunctis respondit, nos totis uiribus huic seni suadere conamur, ut læto a-

nimo cum sanctis angelis in beatorum choris co-
habitare uelit, & æterna uisione frui : sed corpori,
& sensibus nimis indulget, mortem effugere cu-
pit, à qua dissolui nullus est nunc modus. Tunc
Philosophus, Sinite me illum alloqui. Cur ita sæ-
pe suspiras pater, ac suspiria multis cum lacry-
mis imo de pectore trahis? ubi illa tua constantia,
qua tot uiros impauide trucidasti, tot in milites e-
tiam solus grassatus es? S E N E X. Ha ha, sum hîc
ferè dolore exhaustus, uita priuare me parant, quã
omnium rerum dulcissimam puto. P H I L. Nû
audisti uulgatam Platonis sententiam, Humanam
uitam peregrinationem esse? opus est peregrinum
eò tandem peruenire, quò à superis destinatum est.
huc accessisti, in cœlum uocaris, num lætus in pa-
triam abibis? Quis peregrinus adeo fatuus prope
patriam constitutus, regredi tentaret? iam occupas
proprium solum, cur lætus non ingrederis? dimit-
te, dimitte tuam hanc mollitiem, quæ nec satis in-
fantili ætati conuenit. S E N. Certè uera sunt, quæ
refers: tamen non possum non egre ferre mori, qui
adhuc per aliquot annos superuiuere potuisssem.
P H I L. Et per quot annos? octogenarius es, quã
ætatem paucissimi, quos æquus odit Iupiter, at-
tingunt, & nondum es hac laboriosa uita satur?
S E N. Id me uehementer angit, quòd mea morte
non moriar. P H I L. O' bone uir, nulla est alicui-
ius mors, sed cuiuscuncq; quælibet. Quid refert (in-
quit Seneca) mori cæsim, an punctim? Volunta-
riam

riam mentem præpara bonorum optimo, id est
morti consentientem. **SEN.** Mori necesse est, e-
tiam si noluerim: tamen quod sponte & lubenti a-
nimo id efficiam, nulla sunt argumenta, quæ id sua-
dere possint. **PHIL.** Dic mi pater, necant ne me-
rentem, uel immerentem? **SEN.** Merentem, &
eum qui nec decem uitis satisfacere posset. **PHIL.**
Si igitur merentem necant, non solum non ægre
ferre debes: sed te ipsum sponte præstare debuisses,
ut purgarent, & occiderent. **SEN.** Utinam aufu-
gere potuisssem. quæ animalia mortem non fugi-
unt? Ipsæ etiam aues clatris rostro perfractis extra
caueam abuolare nituntur. **PHIL.** Nihil merent,
& sunt bonorum ignaræ: si tibi gratum sit, ex Pla-
tone tibi ostendam, quod non solum non erat fu-
gienda mors, sed abs te imploranda, & quærenda.
SEN. Nugæ sunt, & puerorum deliramenta.
PHIL. Eia igitur incipiamus. Iustum omne, ut
iustum est, non ne bonum: atq; pulchrum? **SEN.**
Maxime. **PHIL.** Si quis agit, non ne opus est a-
liquid pati? **SEN.** Quomodo hoc ais? **PHIL.** Si
quem percutias, agis: non ne opus est illū, qui per-
cutitur, pati? **SEN.** Prorsus. **PHIL.** Imò opus
est, eadem ratione patiatur, qua percutitur. **SEN.**
Non accipio. **PHIL.** Si aliquo fine percutiatur,
non ne opus est eodem fine patiatur, quo percuti-
tur? **SEN.** Equidem. **PHIL.** Rursus dare pœ-
nas, non ne est aliquid pati, & ab aliquo agente,
scilicet puniente? **SEN.** Omnino. **PHIL.** Qui
punit,

punit, num iuste punit? *SEN.* Iustè: sed & non-
 nunquam iniustè. *PHIL.* Nemo iniustè punit,
 cum is qui iniustè punit, non puniat, sed iniuria af-
 ficiat eum, cui sub falso punitionis nomine malum
 infert: post hæc qui punitur, num iustè patitur?
SEN. Iustè. *PHIL.* Omne autem iustum bo-
 num est atq; pulchrū, ut superius cōcessisti. *SEN.*
 Concessi. *PHIL.* At quod bonum est & pul-
 chrum, num honestum, uel utile, uel delectabile?
SEN. Ita arbitror. *PHIL.* Vnusquisq; igitur,
 qui malum aliquod perpetravit, punitionem quæ-
 rere debet, ut iustitiam subeat, quæ illi honesta erit,
 aut utilis, aut delectabilis: Cum ergo tu pessimè e-
 geris, ne puniri ægre feras: imò forti, atq; tempe-
 ranti animo fructuosam horam expecta, qua pur-
 gaberis, & ab animæ prauitate liberaberis. *SEN.*
 Hæc omnia uera esse cognosco: tamen inops ani-
 mi, concitari non possum. *PHIL.* En alia ratio-
 ne utamur: Si corpus & anima (ut eorum exigunt
 naturæ) æqua passione tenerentur, cui citius re-
 mediū præstare deberes, animæ, an corpori? *SEN.*
 Animæ. *PHIL.* Qui morbus pollutior est, qui ue-
 magis uerendus (et si æquè commaculent) ani-
 mæ, an corporis? *SEN.* Animæ. *PHIL.* Et hu-
 ius rei hæc est causa, quia anima est excellentior
 corpore, num istud ais? *SEN.* Maxime. *PHIL.*
 Quæ autem ars à corporis morbo nos liberat?
SEN. Medicina. *PHIL.* Igitur cum corpus æ-
 grum est, medicum uocas, & summè peritum, qui
 te sa

te sanitati restituat, cæteriꝫ ita faciunt? S E N. Ita solent. P H I L. Quid si medicus inurere cogatur, membra abscindere, amara potui dare, num hæc subeunt, uel refugiunt? S E N. Subeunt omnia, ut sanitati restituantur. P H I L. Cum uero sanitati restituti sunt, à corporis morbo liberi euasere, non ne? S E N. Ab eodem. P H I L. Donasti superius animam corpore præstantiorem esse, & animæ morbum corporis morbo longe peiorem, totꝫque subimus incommoda ut corpus sanetur, non ne & maiora discrimina pro sananda anima subire conueniet? S E N. Ignoro quinã sint morbi animæ. P H I L. Iniusti, grassatores, parricidæ, fures, auari, fœneratores, non ne morbo animæ afficiuntur? S E N. Certè. P H I L. Sed quis ab his morbis liberare potest, si cui resipiscenti purgari placuerit? S E N. Neminem ex mortalibus scio. P H I L. Sunt ne qui puniant, & homines meliores reddant? S E N. Prætores, ut arbitror. P H I L. Rectè sensisti: nam incipientes furta committere, flagellis purgant: qui purgati deinceps, res alienas uident, & intactas prætereunt: alij rursus perseverantes, auribus priuantur, atqꝫ naso: si altius egritudo radices iecerit, hos acrius purgant, & longe amariori pharmaco utuntur. Sunt ne igitur Prætores, qui animam morbo liberant? S E N. Ratione infertur. P H I L. Eras ne æger anima, & prauè affectus, id est grassator, fur, homicidæ? S E N. Maximè omnium. P H I L. Ha ha pater,

cur lictores expectasti, qui te caperent? te ipsum sponte Prætori offerre debuisti, & ab illo animæ sanitatem protinus petere: sicuti si corpore ægrotus fuisses, à medico petisses. **SEN.** Nimiùs est hic dolor, quem Prætores inferunt. **PHIL.** Quid ais: delectatio est: num curari à medico delectabile est? & ægri maximè gaudent, cum actu curantur: nempe futuram sanitatem expectant. **SEN.** Certè. **PHIL.** Non est igitur dolendum, esse in medicorum animæ manibus, qui illam purgent: imò potius hic anima æger delectatione affici debet. Quisq; igitur qui animam suam graui quadam ægritudine affectam habet, cuiuspiam iudici sponte se offerre deberet, & ab eo purgatoria medicamenta expetere, quibus purgatus, in pristinam sanitatem anima restitueretur, sitq; sui ipsius accusator, & morbum (ut dicitur) obuia manu gerat, atq; omnia ægritudinis incommoda Prætori uti medico referat: deinde purgatoria pharmaca subeat, quæcunq; illa sint, uel mutilet, uel flagellis torqueat: imò si opus fuerit, capite mulctetur, suspendatur, quo ad animæ medicamento reintegrata conualescat. **SEN.** Tamen non paucos noui grassatores, homicidas, omni scelerum genere deturpatos, qui & Prætorè, & lictores summopere cauebant. **PHIL.** Insensati erant, & his sensuum imaginibus decepti, & omnium penitus insanissimi: his similes, qui morbo corporis affecti, sese medico concedere nolunt, amara pharmaca reformidantes, ut pueri faciunt.

ciunt. SEN. Vir optime, his uerbis ita animum meum instituísti, ut sedatè, ne dicam uoluptuose, mortis discrimina patiatur. PHIL. Iubilet igitur animus tuus, gestiat, oblectetur, qui capitis ablatione purgatus in cœlum aduolabit mundus, immaculatus, & à sanctis angelis inter martyres coronabitur, quiescet absq; dolore, absq; ulla moris labe. Iam liçtores instare uideo, ut Prætori præsenderis. Vale, & huius animæ pharmacum percupidè bibe: illa uitijs exonerata, atq; purgata, ante summi Tonantis tribunal accedet. AVL. De disti huic seni satis commodum medicamentum: certus sum, primos illos hortatores nunquam in mortis consensum hunc inducturos esse: imò nec tu ipse induxisses, nisi moriendi necessitas instaret. PHIL. Cùm hic senex argumentis coactus nostræ sententię inhæserit, dignus sum ut præmia re- portem. AVL. Non acquiescit sponte, quod suspiria ostendunt; sed nisi ui capite mulctaretur, nisi libenter tuum hoc pharmacum subiret, imò nisi illum in uitæ amorem uel memoriã perducere uererer, tibi ostenderem illum summopere mortem abhorrere. Sed nunc opportunius erit Philosophos aliquos, atq; Theologos adire, qui si tuis argumentis subscribant, mihi ipsi conditiones imponam. PHIL. Nosti Philosophum illum antiquæ disciplinæ, grauem unà, & Theologum consummatissimum, qui non raro mecum domesticè obambulat? AVL. Noui. PHIL. Illum adeamus,

mus, qui unus erit pro cunctis. A V L. Labet,
 Tunc iter ad Philosophum, Philosopho peramicū,
 inchoarunt: sed affuit occasio, qualem non puta-
 rant: nam eius famulum inter eundum inuenere,
 qui cursim & anhelans gressus festinè trahebat,
 Quorsum, inquit Philosophus, adeo raptim uo-
 las? Tunc famulus, Ad auditorem peccatorum ac-
 cersendum, qui dominum meum uisitet, & ad hanc
 peragendam uiam hortetur. P H I L. Quid ais?
 oppressisti me: nunc agitur tertius dies, quod si-
 mul de cœli natura, deq; angelis in foro disser-
 bamus: ò uita nostra misera, & tanquam uitrum
 fragilis, an ægrotaret ignorabam. F A M V L V S.
 Languet, spiritum ab imo pectore trahit, uaticum
 recepit, inunctus est, & is qui aliàs adeo sapiens
 fuit, nunc mortem abhorret, & summopere in ui-
 tam anhelat. P H I L. Sine religiosum suis pre-
 culis uacare, ego eius uice fungar, & operam da-
 bo, ut ab hac uita sponte recedat. Ad huius ædes
 peruenere, & uestibulum ingressi, imbecillem, &
 tristem ægri uocem audiere. Tunc philosophus his
 uerbis cubiculum ingreditur, Quid hoc amice? u-
 bi tua illa animi magnitudo? ubi philosophica cō-
 stantia? ordinem naturæ considera: illuc ibis, unde
 uenisti. A E G E R. Iamdiu est, quod hæc mente
 reuoluo, nouiq; hanc esse omnibus communem
 uiam, quam nemo euitare potest: sed pauore quo-
 dam, nescio an humano, uel ferino, extimulor, quē
 non possum à cogitatione repellere. Videor uide-
 re cor

re corpus hoc uita, gustu, tactu, & alijs sensibus priuatum putrescere, in uermes conuerdi, atq; uorari. **PHIL.** Nunc profecto mihi sine sensu esse uideris, quoties uereris, ne illi corrumpantur, & ne caro hæc putrida uermibus dometur: non ne putas animam ab hoc corporeo carcere solutam, rerum naturas expeditius percipere, & ea etiam quæ sensu capiuntur, præstantius attingere, quæ cum est in ipso corpore clausa? **ÆG.** Maxime, **PHIL.** Quid perfectius, quid uel excellentius, aliquid rei flaccidæ, atq; statim perituræ, gustu sentire, uel gustus rationem, & Ideam noscere, qua omnia gustui subiecta tenebis? **ÆG.** Ideam & rationem, **PHIL.** Hæc Idea non ne promptius ab anima, quæ sit corpore libera, quam ab eodem impedita percipitur? **ÆG.** Valde, **PHIL.** Imò corporis sensus plerumq; impediunt, quoties ægritudo sensus obtundit, ut nequeant eorum sensuum, qui affecti sunt, sensilia tractari. **ÆG.** De cæcis, atq; surdis, exemplum esse potest, qui de coloribus atq; sono parum iudicare possunt. **PHIL.** Es ne unquam in Platonis operibus uersatus? **ÆG.** Sæpius, **PHIL.** Quid inquit ille hominē esse? **ÆG.** Animam claustro mortali clausam, corpusq; umbraculum hoc tegens, ne optimorum bono fruatur, scilicet ne Ideas rerum contempletur. Imò tam diu angitur, tam diu mœstitijs ac doloribus afficitur, quamdiu hoc carcere detinetur. **PHIL.** Cur igitur times, cur tam pauidus contremiscis, si com

e pedibus

pedibus, & feculenta custodia liberaberis: num il-
 lum desipientem putares, qui cæco carcere putri-
 do & feculento solui posset, tamen in ipso diutius
 immorari niteretur? *A E G*. Hunc ualde riderem,
 nouiſſe has meas lacrymas eſſe uanas: ſed non poſ-
 ſum non amare hanc uiuā, in qua tam diu ſum uer-
 ſatus, & dolere in diſceſſu. *P H I L*. Aegrè ſero
 ego, & non poſſum non indignum putare, tam
 prudentem Philoſophum, ac ſapientem, tam egre-
 gium Theologum, atq; conſummatiſſimum, qui
 nihil non ueſtigatum reliquerit, mortem adeo ti-
 midè & pueriliter expauere, quod Philoſophū
 non decere conſtat. *A E G*. Sed utinam huic phi-
 loſophico ſtudio non nauaſſem: hoc eſt, hoc inquā,
 quod me deterruit: nam ſæpius circa animæ natu-
 ram philoſophatus ſum, & apud me adhuc ſub iu-
 dice lis eſt, quid de ea futurum ſit. *P H I L*. Ha uir
 egregie, quæ nunc audio: num putas animam per
 ſe à corpore liberam eſſe, & mortem nihil aliud
 eſſe, quàm corporis ab anima ſolutionem? *A E G*.
 Omnino. *P H I L*. Dic, eſt ne Philoſophi opus,
 uoluptates ſequi, uel eas longius euitare? *A E G*.
 Quid inquis? *P H I L*. Debenē ne Philoſophi po-
 cula ingurgitare, epulas uorare, uenereis comma-
 culari, egregijs ueſtibus indui, uel his frui, ut ne-
 ceſſitas compulſit? *A E G*. Vt neceſſitudo expoſtu-
 lat. *P H I L*. Verus ergo Philoſophus debet ani-
 mam ab his corporeis oblectamentis habere ex-
 peditam. *A E G*. Debet, ſi uerus eſt. *P H I L*. Nū-
 uulgus

uulgus hos putat mortuos, qui uoluptates deserunt? AEG. Ita putat. PHIL. Num Philosophi tunc maximè speculantur, tunc maximè contemplantur, & uiuunt, cum animam in sese recipiunt, ac colligunt, nihil uident, nihil audiunt, nullo sensu fruuntur, sed penitus à corporeis rebus auelantur? AEG. Maxime. PHIL. Non ne est Philosophi officium speculari? AEG. Est. PHIL. Num melius liberè atq; expeditè speculari, quàm impediri? AEG. Melius. PHIL. Num corpore impeditur? AEG. Et hoc impeditur. PHIL. At Philosophi munus est, optare liberum esse, & eò melius speculari posse, quò fieri possibile sit? AEG. Valde. PHIL. Si quis igitur uerè Philosophus est, & Philosophiæ muneribus gaudet, mortem ipsam, quo citius fieri potest, optare debet, ut sit speculationibus liber, & agilius in omnes Ideas penetrare possit, Deiq; similis fiat. Imò si uerus est philosophus, dum hac uita fruatur, id est, hoc caduco corpore circumcingitur, à uulgo mortuus existimatur, qui omnes illorum uoluptates deseruit, omnes cupedias atq; libidines spreuit. Edit, bibit, induiturq; ut uiuat, posteaquàm ita Deo placuit: non uiuit, ut his curiosè fruatur. AEG. Audio nouum Socratem, uera hæc inferentem, & referentem. Ea ratio, quam nuper adduxisti, suadet Philosophum corporis mole oppressum, eius finè attingere non posse, imò quàm maxime à corpore secedit, tam altius scientiarum abdita penetrat.

Sed unum est, quo uehementer extimulor, quod nuper tanquam uerum assereram. PHIL. Quid nā hoc est? AEG. An anima huius corporis uinculum exeat, uel potius cum eo simul intereat? & unus sit hominum & iumentorum (iuxta Solomonis sententiam) interitus; nam ante horam in synopin incidi, & ea non paruo spatio affectus sum. Interim nihil intelligebat anima, nihil speculabatur, nihil sensu cognouit: quid tūc agebat? quid feriabatur? PHIL. Hoc ignoras? Ipsa obesis corporeis clatris ligabatur, cuius mores dum in ipso est corpore, pati necesse est. Putabā te humana quaedam fragilitate, & consuetudine mortem expauescere: sed hoc multo deterius est, quod illam expauescis: nempe hæresim sapit: & quam hæresim? eam quæ non solum Christianam religionem, sed omnes etiam bonos mores aufert. Sed o præclare frater, ne hoc animo hinc recedas, nam si tibi gratum sit, argumenta parabo, quibus animam immortalem esse & tibi & alijs suadere possim. AEG. Nihil mihi gratius contingere poterit. PHIL. His igitur omisis, quæ ex præcedenti disertatione colligi possent, alia quædam sequamur indicia, & paulo altius maiora argumenta exordiamur, ut mentem hanc inanem, quæ à religione Christiana discedit, in suam orbitam reducamus. Eia igitur, quid esset miserius homine, quid ue infelicius inter cuncta huius mundi animantia, si corpus & anima uno interitu morerentur? qui semper

COR

corporis imbecillitate, animi inquietudine perturbatur, quid inquam infelicius? cum cætera animalia, etsi corpore afficiantur, nihil mente sua, nisi quod præsens est, percipiant: cum homines & præteritorum malorum memoriam habeant, & ea quæ futura sunt, prænoscant, & prædoleant. A E G. Certè nullū animal homine miserius esset. P H I L. Tamen animal est Deo proximum, quod illum colit, honorat: tamen habet uitæ terminum belluis uel æqualem, uel parum differentem, & est ad plura minus idoneum: nudum ab utero uenit, cum alijs secum uestimenta nascantur. Ideo non est credendum, hoc animal nihil habere, quo cæteris animalibus præstet. A E G. Habet omnino, & id est, Intelligere. P H I L. Nihil homini contingere potest deterius, quàm Intelligere, si animus cum corpore perit: nam passiones, & misérias intelligere, atq; meminisse, miserijs cumulum præbet: propterea aliud esse oportet, quo homines bruta excedant: sed hoc nihil aliud esse potest, quàm animæ immortalitas: quæ quoties est soluta corpore, præmijs afficitur, si Dei mandatis paruerit: & pœnis, si eisdem obstiterit. A E G. Hæc tua ratio probabilitatem quidem dialecticam sapit, sed à demonstrationis natura longe distat. P H I L. Quid opus est in his rebus demonstrationem quæramus? nempe quod probabile est, sufficit necessitati coniunctum, cui Christiana fides adijciatur, & plurimum Philosophorum opinio, & in suscitandis

mortuis miracula à Sanctis facta. AEG. Et mi-
 raculis fidem non præsto, & num mortui in lucē
 redierint, ambigo. PHIL. Ea'ne credis, quæ à
 dignis fide uiris prodita sunt memoriæ? AEG.
 Maxime. PHIL. Hæc à sanctis uiris, quorum
 fides scientia est, maximisq; Philosophis scripta
 sunt: quatuor inquam Euangelistis primò, deinde
 Hieronymo, Augustino, Gregorio, Ambrosio,
 Hilario, Chrysostomo, & reliquis Christiani do-
 gmatís proceribus: his nisi assentiri uolueris, cur
 historiographis tam facile fidem præstas? AEG.
 Scripsere historici quæ nihil ad illos. PHIL. Hi
 quoq; celebratissimi uiri nunquam miracula de-
 scripserunt, literisq; mandassent, nisi illa proprijs
 oculis uidissent: hac eadem ratione nullis histori-
 cis, nullis emolumentis credendum esset: sed hæc
 aliàs. Nunc ad Animam ipsam redeamus, commu-
 nibusq; argumentis, & tibi notis, sed forte a gri-
 tudinis uí oblitis, animam immortalem ostenda-
 mus. AEG. Huic nodo summopere incumben-
 dū est, ut ambiguitas à nostra mēte recedat. PHIL.
 Esto bono animo, Dei q; implorato auxilium, qui
 tibi in hac ultima calamitate opē ferat. AEG. Sit
 mihi præsto Deus, mentemq; dirigat, & ipsius mi-
 sericordiæ lumine illustret. PHIL. Ita igitur inci-
 piamus. Anima seipsam mouet, & primò, an ab a-
 lio mouetur? AEG. Seipsa primò mouet: sed per
 accidens, ut inquit. PHIL. Seipsam mouet, &
 primò mouet: sed hic motus est uita, ergo sibi ipsi
 uitam

uitā prestat, assentiris nec? **A E G**. Assentior. **P H I L**.
 Cum uero in qualibet natura sit perpetuus suū-
 pſius amor, & idem nunquam deferat ſeipſum,
 nunquam uiuere deſinet: imò quia ipſa eſt Motor,
 & motus eſt Vita, nunquam mouere ceſſabit, ne
 ſeipſam perdat. Imò ſi mori dixeris, aut prius Eſſe,
 quàm Moueri, auferetur: aut prius Moueri, quàm
 Eſſe: aut unà Moueri & Eſſe, ſubtrahentur. Non
 primum, quia motus non poteſt eſſe ſeorſum ab
 eſſentia: nec ſecundū, etenim ſpontaneus motus id
 concomitatur, quod ſemper motum facit: nec ter-
 tium, quippe nulla mutatio poteſt illi ab intrinſe-
 co uel extrinſeco aduenire. Non ab intrinſeco,
 quando ex ipſa motus uitalis atq; uiuificus adue-
 nit: nec ab extrinſeco, quia fons motus aliūde mo-
 ueri non poteſt. Eſt igitur immortalis & æterna,
A E G. Hæc ratio non nihil habet maioris effica-
 ciæ, quàm præcedens, perge obſecro: nam geſtit
 animus, propriæ naturæ & æternæ conſentiens.
P H I L. Argumenta hæc (ut noſti) demonſtratio-
 nis argutiam non ſapiunt, ſed uerifiſimilia ſunt ne-
 ceſſitati propinqua, quibus Chriſtianæ fidei lumē
 addere oportet. Eia, ſcio te Ariſtoreli multum in-
 cubuiſſe: non ne ille tertio de Anima libro dicit,
 Senſitiuum non ſine corpore eſſe: Intellectiuum
 uero ſeparatum eſſe poſſe? **A E G**. Ita ſerè ſcribit.
P H I L. Intellectus non ne anima? **A E G**. Certe.
P H I L. Anima igitur ſeparata à corpore ſubſiſtit.
A E G. Sed alibi eodem in libro de anima oppoſi-

tum refert. *PHIL.* Esto: sed ubi citatam propositionem describit, proprium dogma aperit. Alibi uerò conditionatè oppositum recensuit: præterea formæ unitæ materiæ non ne per motum, & mutationem materiæ in actum reducuntur? *AEG.* Prorsus. *PHIL.* Idem Aristoteles libro de animalibus, intellectiuam animam ab extrinseco aduenire dicit: non est igitur materiæ commista: imò ab eadē remoueri potest, & per se esse. *AEG.* Satis constant hæc rationes: sed obsecro, Aristotelem & ethnicos Philosophos posthabeamus: nā ego, ut Christi sectator, illis minime fido. *PHIL.* Non despicio hæc tua uota, sed illis maxime parendum censeo. Dic igitur, si quid corrumpitur, non ne in contraria corrumpitur, habetq; contrarium, & est ex contrarijs constitutum? *AEG.* Ita est. *PHIL.* Quæ contraria habet anima, ex quibus constituta sit? *AEG.* Nulla, nisi contrariorum rationes, quas tenet, dixeris esse contrarias. *PHIL.* He uerò rationes contrarię nō sunt, alioqui in uno essent duo contraria. *AEG.* Certū est. *PHIL.* Humani igitur animus incorruptibilis est. *AEG.* Ex prædictis optime inferitur. *PHIL.* Cœlestia non corruptione carent, quia eorum materia ab his corruptibilibus aliena est. *AEG.* Ob id æternè mouentur. *PHIL.* Sed anima qua materia concreta est: nam omnes rerū species (ut inquit) immaterialiter recipit. *AEG.* Nulla. *PHIL.* Ex te igitur inferas immortalem esse hominis anima-

mam. AEG. Sexcenta noui huius generis argu-
 menta, quæ passim in omni commentariolo di-
 uulgantur: nunc res expostulat ut altiores quasdā
 rationes adducas, quibus mens mea uehementius
 irritetur. PHIL. Ut lubet. Dic igitur, putas ne
 unam esse omnium materiam omnibus commu-
 nem, an hac ratione suadebo? AEG. Fateor sine
 pugna. AVL. Sed ita sermones temperes o Phi-
 losophe, ne mēs mea uage discurrat. PHIL. Cur
 id ais? AVL. Ego, qui philosophicis decretis o-
 peram non dedi, ut uos dedistis, illa ignoro, quæ
 eger tanquam uera sua sponte elargitur, & nisi in-
 terpreteraberis, horas moleste feram. PHIL. Tu
 ergo respondebis, & ægrum hoc fasce leuabis. Vi-
 disti Solem uapores quosdam ab aqua eleuare,
 quos in aërem trāsformat? AVL. Vidi. PHIL.
 Hi uapores sunt ne aqua, an aër? AVL. Aqua e-
 rant, postea in aërem uersi. PHIL. Est igitur a-
 quæ pars quæ fit aër? AVL. Ita arbitror. PHIL.
 Dic postea, manet aqua cum fit aër, an in nihilum
 corrumpitur, priusquam fiat aër? AVL. Quid sit
 respondendum, ignoro. PHIL. Putas ne, Natu-
 ram ipsam aliquarū rerum perniciē uelle? AVL.
 Minime. PHIL. Optime inquis. At si aqua,
 quoties fit aër, in nihilum euanesceret, tunc natura
 in rerum perniciem exultaret: propterea opus est
 aliquid aquæ seruari: imò si uniuersa euanescat,
 non ne opus esset Solem ex nihilo prædictum aë-
 rem facere? AVL. Maxime. PHIL. Philoso-

phis autem & ipsi naturæ non consentit, Ex nihilo fieri aliquid: nempe id est diuinū munus, nec restat sub aëre aqua, quia inuicem aër & aqua calore & frigore opponuntur. A V L. Accepi. P H I L. Aqua frigida est atq; humida: calidus & humidus, aër: igitur non nihil est, in quo conueniunt, & non nihil, in quo differunt. A V L. Hoc noui, calido & frigido dissentiunt, conueniunt humido. P H I L. Si ergo ex aqua fiat aër, num opus est humiditatē retineri? A V L. Certè, quia hac in natura conueniunt, frigiditatem uerò abesse oportet. P H I L. Quàm optime inferis, uir es Minerua dignus. Sed si humiditas superest, num alteri inhæret? A V L. Quomodo ais? P H I L. Illa humiditas æque est, qualitas, sicuti albedo, at semper chartæ, ligno, aut lapidi inhæret albedo: num & humiditas ipsa cuiuspiam inherebit? A V L. Experiar, an te acceperim: illud intelligis, corpus subesse humiditati. P H I L. Intellexisti. Cum igitur ex aqua fiat aër, humiditas & materia supersunt, frigiditas abest: præterea si ex aëre fiat ignis, num eadem ratione opus est maneat aëris materia, & caliditas ipsa? A V L. Cōmunis est utriq; pedi calceus. P H I L. Eadem est in omni re dispositio: opus est superesse materiam nulli corruptioni subiectam, quam philosophi primam nuncuparunt. A V L. De hac re certior fieri cuperem. P H I L. Cognoscitur hæc materia per analogiam quandam ad res artificiales, quia ars imitatur naturam: nam figulus uasa & pateras argilla

gilla conficit, quæ si frangantur, adhuc superest argilla, ex qua & alia eiusdem generis, uel diuersi generis fingi possunt: nosti hæc? A V L. Noui, sed quò tendunt? P H I L. Scis materiam nō posse ex eo quod est mutari? A V L. Scio: quippe natura non sinit res in nihilum euanescere, P H I L. Est ne aliquid supra materiam? A V L. Quomodo ais? P H I L. Corpus hoc nostrū materia est, habet ne aliquid quod illi dominetur, & imperet? A V L. Certè. P H I L. Hoc non ne est rationalis anima, quæ est cuius materię domina, regina, & præses? A V L. Est, ut opinor. P H I L. Non ne dignius est, atq; conuenientius, Regem & dominum esse magis incorruptibilem seruo & subiecto? A V L. Quid inquis? seruos noui ualidissimos, & dominos imbecillissimos, & ægros. P H I L. Hoc nihil ad rem facit: si dominus in suo esse & ualitudine seruum gubernaret, & à domini sanitate seruī sanitas dependeret, non ne opus esset dominum sanitate frui, si seruus sanus esse debeat? A V L. Maxime. P H I L. Eandem conditionem habet anima respectu materiæ, quam habet dominus respectu seruī. A V L. Nunc accepi. P H I L. Iam concessisti materiā incorruptibilem esse. A V L. Concessi. P H I L. Quanto igitur magis rationalis anima, à qua omnis materia dependet, incorruptibilis erit? A V L. Perpulchre inferis: sed nescio, an ægrotanti satisfacias. A E G. Iam uana illa à nostra mente coërcetur opinio: prosequaris obsecro:

nam in patriam uocari desidero : nihil hic stabile,
 nihil firmum. Mors instat, qua uobis etiam præ-
 sentibus, & non prænoscantibus eripiar. **PHIL.**
 Dic Aulice: Quod alicui per se conuenit, potest ne
 ab eo quandoque separari? **A V L.** Dicam illud A-
 ristophanis, ἀμαθίσειρον πῶς ἐπὶ καὶ σαφίσειρον. Dic ali-
 quanto ineruditius, & apertius. **PHIL.** En cir-
 culus suapte natura rotundus est, erit ne circulus,
 qui non sit rotundus? **A V L.** Nunquam. **PHIL.**
 Id est quod per illam propositionem intelligebā:
 Quod inest alicui per suam naturam, nunquam
 ab eo separari potest. **A V L.** Concinne declarasti.
PHIL. Omne quod est, num est per suam formā?
A V L. Certe. **PHIL.** Forma igitur illa est, quæ
 esse impendit? **A V L.** Omnino. **PHIL.** At anima
 non ne est forma contrarijs, & materia carens: quæ
 esse tribuit? **A V L.** Maxime. **PHIL.** Imò tali
 ratione dat anima esse corpori, ut illi nihil uicissim
 corpus rependat: nam si corpus aliquid animæ da-
 ret, uel esset eius forma, uel materia: non materia,
 quia materia recipit, non dat: nec forma, quoniam
 illa forma, quæ animæ daret esse, fuisset forma: &
 non hæc, quæ anima dicitur: propterea nihil est,
 quod animæ hoc elargiatur, ut esse tribuat. Igitur
 à seipsa hoc habet. **A V L.** Planè. **PHIL.** Si à se-
 ipsa hoc habet, & alijs ut sint, impertitur: igitur
 & sibi ipsi hoc idem impertiri debet. **A V L.** Ma-
 xime. **PHIL.** Nihil autem inueniri potest, quod
 seipsum perimat, uel natura suipsius interitum ten-
 tet.

tet. A V L. Ita puto. P H I L. Quum igitur ani-
 ma sit ſuiſpſius eſſe, & reliqua omnia, quæ ſunt a-
 nimata, propter ipſam ſint, anima ſemper erit, ali-
 ter ſibiſpſi non eſſe præſtaret, ac uellet. A V L. O-
 ptime accepi, ſed neſcio an æger aſſentiat. P H I L.
 Niſi aſſenſerit, rurfus ipſe dicat: Animæ natura, nū
 eſt ſibiſpſi hære- A E G. Eſt. P H I L. Igitur e-
 ius eſſe illam ſequitur, ratione qua ſibi hæret. Præ-
 terea non'ne cōſtat, nihil à ſeipſo diſſidere? A E G.
 Maxime, quia inter ſe, & ipſummet nihil interce-
 dit, quod ipſum à ſeipſo ſeparare poſſit. P H I L.
 Si ergo quatenus hæret ſibi, eatenus eſt: ſemper
 hæret, ergo ſemper eſt: anima uerò eſt eiufmodi for-
 ma: igitur anima eſt immortalis. A E G. Nō poſ-
 ſum non reſilire ab impia illa opinione, quæ ani-
 mam meam in hoc diſceſſu perturbabat. Id pror-
 ſus nunc teneo, nihil tam uerum eſſe, nihil tam cer-
 tum, atq; indubitatum, eorum quæ auribus hau-
 rio, oculis corâm intueor, & manibus teneo, quàm
 illud quod argumentis prodidiſti, Animam ſcili-
 cet eſſe immortalem: hoc ueritas inſpirauit, Philo-
 ſophi plures comprobarunt, huic omnium homi-
 num conſenſus ſubſcripſit, Martyres ſanguine te-
 ſtati ſunt, ſancti uerbis & moribus expreſſere, tra-
 didit Chriſtus, Dæmones conſitentur. Quid am-
 plius curo mortem? quam nuper aſperam, & in-
 humanam iudicaui: nunc illam placidam, nunc be-
 nignam uoco, atq; inuoco, ut citius me expedi-
 at, citius ab his malorum inuolucris liberet. P H I L.

Cur tibi prius uidebatur inhumana priuatio hæc, quæ Mors dicitur? A E G. Quoniam antiquiores historias mente uolutans, nullus occurrebat, præter unum Socratem, qui hanc non fugeret, & qui illi non maledixerit: Animal non est, quod mortem euitare non tentat. Postea in mentem ueniebat Paulus electionis uas, qui ardore uiuendi captus, mortē aufugit, è fenestra per sportam demissus. Alter Paulus primus Eremita, ne diem ultimū clauderet, præsidum tormenta fugiens, solitudinem furtiue petiit: & ipse Christus sudauit unā, & ingemuit, morte illi ab angelo prænuntiata: tamē eius uestigia sequi debemus. Quot sancti leguntur, mortis conditione impediti, fugam attentasse? Mos est hominum atq; brutorum, uitam commendare, diligere, obseruare: è contrario mortem detestari, odio habere, & quo longius fieri possit, aufugere. Hunc nostrum mentis discursum Aesopi Phrygi fabulatoris apologus sequebatur: hic senem fingit, è monte abscissa ligna deferentē, qui longa uia defatigatus, lignis depositis, mortem uocitabat. Astitit Mors, Quid uis, inquit, cur tam crebro uocas? Senex præsentē Morte exterritus, quā absentem uocabat, subitam excusationem inuenit, inquiens: Magno hoc lignorum pondere ferē detritus te uocabam, ut opem ferres. Nihil aliud hac fabella docuit uir ille fabulis ueritatem regens, q̄ omnes homines esse uitæ amatores: etsi sexcenta incommoda, sexcenti labores, sexcenta rerum disci-

discrimina subeant, nunquàm tamen naturæ satisfacere cupiunt. Nonnulli lingua solum, & summis (ut dicitur) labris mortem ipsam, dum abest, inconsultè uocare solent: cum uerò præsens est, ægrè ferunt, & eam magno nixu pellere conantur. A V L. Perbelle Aesopus. A E G. Auicenna præterea in libro, de uiribus cordis, non solum non esse optandam mortem, sed neq; ab hominibus cogitandam docet. A V L. Et optime. A E G. Impræsentiarum uerò tuis argumentis optimè Philosophæ illustratus, uanas illas cogitationes effugauit, quæ nihil aliud erant, quàm antiqui hostis deceptiones, mens mea desciiuit ab illis. At benignè Philosophæ, & mea salus, obsecro te, ne amplius me audiendo, & te dicendo delasses: felici omne ne abeas: nam sentio animum istum in primo mortis limine esse, nunc nunc naturæ satisfaciet, atq; in cælum (ut spero) euolabit. P H I L. Vale igitur, amice charissime, uale felix: hodie uisitabis sanctam Hierusalem, in Angelorum atq; Sanctorum confortio omnipotentis Dei uisione frueris. I præ, nos ad te ocysime aduolare speramus. Proinde creatorem deprecæris, qui nobis admissa remittat, atq; eius lumine illustret. Vale rursus. A V L. Quàm miserrimum est humanum genus: tot labores patitur, tot subit incommoda, deniq; brutorum more occumbit: hic uir diu studiis, atq; disciplinis insudauit: quid nunc illi profunt hæ artes? P H I L. Quid profunt: nō parū profunt, si plurimis Theologis

logis credendum est, qui censent peritos homines indoctos in cœlo gloria superare. Rursus non est res misera mori, nec miseri sunt qui disciplinis uacant. Adde probos, atq; doctos uiros ab hac uita perpolitos abire, indoctos uerò, & improbos rubigine confectos, iuxta illius Philosophi sententiam, quisquis fuerit, qui humanam uitam ferro cōparauit: hoc si nimis exercueris, conteritur: si non exercueris, rubigine consumitur. Ita homini moriendum est, qui si in disciplinis uersetur, conteritur: si nihil agat, marcore, & desidia consumitur. At pulchrius est nitidè, & perpolite mori, quàm rubigine & mala desidia consumi. Propterea pulchrius est ardentè uigilare, insudare, & ob disciplinas algere, quàm turpiter uino, Venere, atq; pluma sepultum obdormire, & tam dignis laboribus abstinere. A V L. Egregie Philosophus ille percensuit. Nunc uerò quod eundem? Num satis expertus es, neminem uelle mori? P H I L. Nobiles supersunt, Principes, Reges, qui sunt magis aduersantes hostes, quàm in hac mea sententia comprobanda habere possim. hos deferamus, ne fabulam cantemus surdis, & Aethiopem inalbemus aqua: quin (si fieri posset) uitam infinitis diuitijs emerent. A V L. Propter quid non solum homines, sed & bruta, mortem totis uiribus effugere conantur? P H I L. In brutis est quidam naturæ impetus: in hominibus uerò, in nonnullis est humana fragilitas, uel stimulus peccati, uel modica

& ferè sopita fides: uel habitus, nescio quo flagitio mente receptus: nemo hanc fugere debet, uel præsentem timere, cum nullum sit illi remedium: nam illam timere, nihil aliud est, quàm sapientem uideri eum, qui non est sapiens, ut Plato inquit in Apologia. Quippe cum id sit uideri scire, quæ nesciat: nemo enim scit, utrum mors summum bonorum sit: metuunt autem proinde ac si esset summum malorum, quod tamen nesciunt. Idem in Gorgia scribit, Mori nullus formidat, nisi omnino rationis expers, atque ignarus. Quin & si uerum scripsit Aristoteles primo Ethicorum, capite secundo tertij tractatus, Mortuo nec bonum, nec malum esse, ocysime moriendum est: quippe à malis soluimur, & in non malum proficiscimur.

A V L. Esto, mori præclarius sit, quàm uiuere, quod genus mortis tibi uidetur eligendum, & à Deo optimo maximo impetrandum: PHIL. Inquiunt Senecæ mortem generosam fuisse, & alijs minus molestatam, cui omnes uenas in balneo secuerunt. & naturalis mors infesta non est, quæ ex longa ætate humores sensim absumuntur, & tunc homo subducitur, quo uires robustiores euadunt, ut lucerna facit olei, consumpto alimento: tunc enim lux extinguitur, quum splendor increscit, & in micans quoddam splendoris lumen euanescit. Veruntamen & id genus mortis ab homine desiderandum puto, quod Iulius Cæsar optabat, repentine inquàm à uita submoueri: nam

homo eripitur, nescius an tollatur, omnium malorum expers, quæ ante mortem cruciari solent, & illam terribilem reddunt. Est summa felicitas (inquit Plinius libro septimo, capite quinquagesimo tertio) repentinè mori: infinitosq; hac morte defunctos, cum nobiles, tum principes recenset. O' felicissima mors, quam uulgus insanum execratur, nihilq; putat esse atrocius. Imò nihil instantius à Deo impetrant, q̃ à subitanea morte liberari, habentq; suas quasdam preculas ad hunc finem, ut Pater noster sancti Iuliani, & Intemerata. O' uanissimum uulgus, deberes non genus mortis petere, sed contritionem. At, inquiunt, petimus hoc, ut confiteri possimus. O' belluæ insensate, non id quærendum, sed deprecandus omnipotens, ut det anteaquam sint ultimi dies, sui recordationem. Deprecantur serè in hunc modum, Volo uitam prauam ducere, tu da bonam mortem (ita enim uocare solent mortem non repentinam). Id non est à Deo petendum, sed bona conscientia, qua sit semper paratus, cum uenerit hora, nec curare an repentina sit, an retardas mors. Imò ne ægritudinis ui distorqueamur, corporis languoribus afficiamur, repentina mors potius optanda, & eligenda: cum multiplex sit doloris genus in morte, quæ ad longam ægritudinem sequitur: nam opus est hominem prauis affectibus, & diuersis angoribus uexari, amara pharmaca deglutire, hominibus ualde molesta, inungi, ob-

scena

scœna membra detegere. & ægrum maxime urget molestia eorum qui assistent, inservientes ægro. Vulgus iterum clamitat, hunc esse infelicissimum, qui nec testamentum condiderit, nec fuerit extrema unctione perunctus, & aqua exorcizata aspersus: defunt qui plorent in recessu. O rursus uanissimum uulgus, si hic uerus homo fuerit, & non bellua humana pelle contexta, non adeo expectauit in condendo testamento, ut hora indigeat, uel ita se gessit, ut nihil eo indigeret. Illas uerò inunctiones, & aquæ aspersiones maxime laudo. At si quis uir probus sit, Dei amicus, quid si cum his, uel sine his ab hac uita decedat? Imò (ut quisq; nouit) mortis dolorem duplicant, & triplicant deinde satuarum mulierum atq; puerorum luctus. O quantum Thraces Italos, & reliquos orbis populos sapientia excedunt, qui in amicorum, parentum, atq; filiorum morte iocantur, saltant, choreas agunt, conuiuia atq; tripudia, ueluti de eo qui uitæ miserias effugerit. In ortu plorant, moerent, de eo qui uitæ labores ingreditur, quiq; tot incommoda subiit. Epicurei præterea mortuos non esse plorandos censent, & in XII. Tabulis de hac re lex habetur. Quin & Plato suis in legibus libro duodecimo sancit, neminem mortuos plorare debere, quorum animæ ierint ad meliorum uitam. At si quis uel insanus plorare uoluerit, extra domum prohibeatur, agat domi suæ quid uelit. Optarem so-

spiratorem nostrum Christum omnibus Christianis id indulgisse, ut nemo ploraretur, & omnes diem suum in eius gratia repentina morte obirent. Massagetæ populi sunt hac in re ualde prudentes (ut Diuus Hieronymus secundo in Iouinianum libro refert) qui ex ægitudine morientes, infelicissimos putant. Sed unum est, quod agunt, à Christiano dogmate abhorrens: nam debiles & senes interficiunt, eorum miserati conditionem; ne ex ægitudine moriantur. Hæc est summa, & totius rei nodus. Si quis sapiat, & mentis ratione constet, cum æternæ uitæ felicitatem nouerit; & animæ immortalitatem, ut ab his miserijs, ab his labyrinthicis inuolucris seipsum liberet, quanto citius fieri possit, mortem optare debet: uerum non adeo concupiscere, non adeo ardentem efflagitare, ut fiat alter Cleombrotus Ambraciota, qui se præcipitem dedit. A V L. Quid dicendum sit, nescimus: id uero scimus, Neminem adhuc in tuam sententiam descendisse: nullus est, qui libenter & totis uiribus mortem non effugiat. P H I L. Omnes ratione carent. A V L. Nullus igitur apud te rationem habet. Sed hoc nihil ad me. Neminem ad hanc usq; horam tuis argumentis cogere potuisti, ut tecum esset: herbam igitur porrige, & tibi met conditiones impone. Eia & tu ingenue fatearis, uelles ne mori? P H I L. Absit im præsentiarum mors: tamen si me mori contingeret, non adeo ægrè ferrem, ut uulgus insanum facit.

MORS PLACEAT.

85

cit. Cæterum uictor es, fateor, dedo me tibi: Ne-
mini mors placet. Sed hodie unà prandebimus,
post prandium meum librarium cubiculum in-
gredientes, præmium reportabis, quod in angu-
lo prope fenestram latet. A V L. Quidnam est?

P H I L. Videbis: nunc domum propere-
mus. A V L. I tu, sunt mihi negotia quæ-
dam peragenda, statim sequar.


P H I L. Hora appetit. A V L.

Appetit? I præ, hunc uirū
breuibus alloquar.

P H I L. Ego
hic in-
te-

rim sedebo. A V L. Ne se-
deas, eamus.

F I N I S.



APVD SEBASTIANVM
GRYPHIUM, LV=
GDVNI

1543.

